

Universitäts- und Landesbibliothek Bonn

**Yovhannow Mamikoneani episkoposi Patmowt'iwn
Tarônoy**

Yovhan <Mamikonean>

Venetik, 1832

urn:nbn:de:hbz:5:1-11461

ՄԱՏԵՆԱԳՐՈՒԹԻՒՆՔ

ՆԱԽՆԵԱՑ



ՅՈՎՀԱՆ ՄԱՄԻԿՈՆԵԱՆ

THE UNIVERSITY OF CHICAGO

PHYSICS DEPARTMENT

1958-1959

RECORDS OF THE DEPARTMENT

ՅՈՎՀԱՆՆՈՒ

ՄԱՄԻԿՈՆԵՆԻ ԵՊԻՍԿՈՊՈՍԻ

ՊԱՏՄՈՒԹԻՒՆ

ՏԱՐՕՆՈՅ

Երկրորդ Տպագրութիւն



Ի ՎԵՆԵՏԻԿ

Ի ՏՊԱՐԱՆԻ ՍՐԲՈՅՆ ՂԱԶԱՐՈՒ

ՅԱՄԻ 1889 ՌՅԼԸ

THE UNIVERSITY OF CHICAGO

PHYSICS DEPARTMENT

PHYSICS 309

LECTURE NOTES

BY



BY

PHYSICS 309

PHYSICS 309



Յ Ա Յ Տ Ա Ր Ա Ր Ո Ւ Թ Ի Ի Ն

ՅՈՎՀԱՏՆ մամիկոնեան եպիսկոպոս յաւուրս Ներսե-
սի հայրապետի Շինողին կացեալ, հրամանաւ նորա
գրեաց զգիրս զայս: Յորում պատմէ զպատերազմունս
տանն մամիկոնեանց ընդ Պարսս, և զՄուշեղայ և զԳայլ
վահանայ, այլովքն հանդերձ. որ ինչ յաւուրս Խոս-
րովու երկրորդի Պարսից արքայի յերկրին Տարօնոյ գոր-
ծեցան: Այլ որ ինչ իրք 'ի Տրդատայ մինչև ցխոսրով
լեալ են, զոր մատենագիրս 'ի յիշատակարանին իւրում
աւանդէ գտեալ 'ի կողմանս Եդեսեայ և Թարգմանեալ,
չերևին 'ի միջի:

Անդստին 'ի նոցունց օրինակաց գրոցն Զենոբայ և
տպագիրս այս արարաւ. առ որ ցանկալի էր մեզ ընտ-
րելագոյն օրինակս 'ի ձեռին ունել: Զի առաւել ևս 'ի
սմա գտանին փոփոխմունք և յաւելուածք. որք եթէ ոչ
'ի գրչագրաց իցեն յետոյ կրճատեալ, ինքն իսկ արդեւք
մատենագիրն, կամ յետ նորա Գլակայ վանիցն առաջ-
նորդք յաւելին զայնս ըստ նորին յորդորանացն՝ զոր 'ի


յիշատակարանին իւրում առնէ : Ձի « որք զկնի դոցա ,
ասէ , այլք նստին վանականք , զոր ինչ գործի յաւուրս
նոցա 'ի տանս յայսմիկ՝ զիցէ 'ի նոյն մատեանս » : Արդ
մեր հնգեցունց օրինակաց բաղդատութեամբ՝ անթերի
զբնագիրս յերիւրեալ , թողումք այլում՝ տեղոյ քննել
որ ինչ 'ի սմա ըստ ժամանակագրութեան մասին գտա-
նին անտեղութիւնք , և զպատճառս նոցին հետազօ-
տեալ հոլանել :

(1832)

ՅՈՎՀԱՆՆՈՒ

ՄԱՄԻԿՐԵՆԻ ԵՊԻՍԿՈՊՈՍԻ

Պ Ա Տ Մ Ո Ւ Թ Ի Ի Ն Տ Ա Ր Օ Ն Ո Յ



Գ Լ Ո Ւ Խ Ա.

Եթէ դք են, որ յաջորդեցին յառաջնորդութիւն սուրբ
Կարապետին, որ կոչի Գլակայ վանք ¹:

ՉԵՆՈՒՔ եկաց հայր վանացն Գլակայ ամս քսան:
Եւտ նորա Եպիփան աշակերտն Անտոնի ամս երե-
սուն: Ի սորա տասն ամին եկն սուրբն Գրիգոր 'ի Գլա-
կայ վանսն, եկաց յԱւետեաց բլուրն առ Անտոն և կրօ-
նիդէս չորս ամիս ²: Եւ նոքա հանեալ զնա անտի ասե-
լով. Գնա յանապատ յանմարդաբնակ տեղիս, զի մի
դք փառաւորութիւն մատուցանէ քում սրբութեանդ:
Իսկ նորա գնացեալ 'ի Մանեայ այրսն, և կացեալ անդ
ամս եւթն, վախճանի 'ի կենացս 'ի փառս աստուծոյ:
Ստեփանոս աշակերտ նորա ³ ամս հնգետասան ⁴: Ի
սորա չորրորդ ամին վախճանեցաւ սուրբն Անտոն. և
յետ երկուց ամսոց և սուրբն կրօնիդէս, կացեալ ամս
քառասուն յիննականեան տեղիս. և է սակաւ ինչ հե-
ռագոյն թաղեալ յեկեղեցոյն ըստ հարաւոյ կուսէ:
Սա շինեաց եկեղեցի, ուր սուրբ Գրիգոր զնշխարսն

1 Օրինակ մի. Այս էն հարս վանացն Գլակա Իննամիսեան փեղեացն յորս էա
նշխարս սբոյ Կարապետին և Ամանագինէ վային:

2 Օրինակ մի երէս ամիս:

3 Օրինակ մի չուրի աշակերտ նորա:

4 Յերիս օրինակս ուրի:

պահեաց յայն կոյս կուռաց, առ յորդարուղիս աղբերն. և կացոյց անդ կրօնաւորս վաթսուն հրեշտակա- յին վարուք:

Եփրեմ ամս քսանևութ:

Յովհաննէո ամս տասն¹. սա էր 'ի ժամանակս սրբոյն

Սահակայ:

Ղիմինդոս ամս տասն:

Մարկոս ամս ութևտասն²:

Կիւրեղ ամս քսան և երկու: Սա առաջին եպիսկոպոս ձեռնադրեցաւ 'ի Մանգակունւոյն Յովհաննէ Հայոց կաթողիկոսէ:

Գրիգոր ամս վեց:

Անդրէաս ամս մետասան³:

Ներսէս ամս եօթն⁴:

Յովհաննէս ամս երիս⁵:

Սահակ ամս հինգ⁶:

Յովսէփ ամս վեց:

Բարթողիմէոս ամս չորս⁷:

Աթանաս ամս տասն⁸: Սա էր, որ 'ի ժամանակս Մովսեսի Հայոց կաթողիկոսի զթուականն գրեաց հրամանաւ նորին 'ի Դուին քաղաքի. զի նա էր աեղեակ տումարի ամենայն ազգաց:

Կոմիտաս ամս ութ⁹: Սա գնաց միաւորել¹⁰ յԱբրահամէ Հայոց կաթողիկոսէ առ վրաց կաթուղիկոսն:

Ստեփաննոս ամս վեց: Սա 'ի ժամանակս կումիտասայ Հայոց կաթողիկոսի գնաց առ նա, և եբեր մասնինչ 'ի սրբոց Հռիփսիմեանց, և եղ 'ի Գլակայ վանքն՝ ուր ինքն իսկ էր: Քանզի կումիտաս վերսաին շինեաց զվկայարան սրբոց Հռիփսիմեանցն:

1 Յերիս օրինակս յեսոն:

2 Յերիս օրինակս Մախար ամս երկոսասան:

3 Յերիս օրինակս ութ. և օրինակ մի յաւելու. Սա գնաց ընդ վարդանայ Հայոց կաթողիկոսի ի ժողովն հասովնոց. յորում ամենայն հայտ և վերտ և յոյնտ առ Ձեննի-կայ-երբ ի Քրիստոս հասարակոյն և մի բնութիան խոսարովանեցան:

4 Յերիս օր. հինգ:

5 Յերիս օր. երկու:

6 Յերիս օր. եօթն:

7 Յերիս օր. երիս:

8 Յերիս օր. վեցասան:

9 Յերիս օր. ասան:

10 Օրինակ մի Գրատուրէլ:

Բարսեղ¹ ամս ութ :

Թագէոս² ամս երեսուն : Սա 'ի տղայութենէ ստա-
ցաւ զառաքինութիւն . և էր աշակերտ Բարսղի, որ եղև
նմա սիրելի վասն վարուց իւրոց, և իշխանին մամիկո-
նենից Մուշեղայ . և իշխանն բազմացոյց ամս դաստա-
կերտս բազումս : Սա բազում կրօնաւորս կարգեաց 'ի
Գլակայ վանսն միաճաշակս և ճգնաւորս՝ առանձինն
բնակել, անձինս երեք հարեւր ութսուն³ և ութ :

Արդ 'ի սորա ժամանակս եկին արք չորք 'ի կողմանցն
Յունաց, արք ճգնաւորք և խոտաճարակք, որոշեալք
յամենայն մարմնական հեշտութեանց, որք կամէին ան-
ցանել ընդ Սուկաւ⁴ : Իբրև եկին 'ի տեղիսն յայն, հա-
ճեցան⁵ բնակել յանապատ . և կացեալ ամս երկու,
լուան ոմանք 'ի կողմանցն Սագաստանաց արք երեք . և
եկեալ 'ի նոյն տեղին Գլակայ, և հանդիպեալ միմեանց՝
զազարեցին 'ի միում վայրի : Ոմանք յիննակնեան վայր-
սըն, յԱւետեաց բլուրն . և ոմանք 'ի քարայրին, որ 'ի
հարաւակողմն արևելեան է, 'ի թագուածի խաչի կող-
մանն . իսկ ոմանք 'ի կողմանց անտառաբլերն : Եւ այն-
պէս բազում ժամանակս կեցեալ 'ի սոյն խստակրօնու-
թեան ամս քսան :

Արդ 'ի ժամանակս իշխանութեան մամիկոնենից Մու-
շեղայ, և թողկայ վանականութեանն⁶, հրաշալի իմն
գործեցան գործք 'ի վանսն Գլակայ 'ի դուռն սուրբ կա-
րապետին : Իշխանն Արծրունեաց, որում անունն կոչիւր
վարդ պատրիկ, սա շինեաց բազում եկեղեցիս և վա-
նորայս . և ունէր կին բարեպաշածն, Մարիամ անուն
նորա : Սա առեալ զկին իւր էած առ հայրն իւր Մու-
շեղ, զի ինքն դէմ եղեալ էր գնալ 'ի կեսարիա : Եւ թու-
ղեալ զկին իւր անդ, և յանձն արարեալ զգաւառն
այլոց ազատաց, և ինքն գնաց⁷ : Իսկ կինն նորա յոյժ
փափաքեալ էր սրբոցն՝ որ 'ի Գլակայ վանսն և ուխտի

1 Յերիս օրինակս Բարեղութեոս :

2 Յերիս օրինակս Թորգի սուրբ և ճգնաւոր :

3 Օրինակ մի Իննսուն :

4 Օրինակ մի 'ի Սուկաւ :

5 Օրինակ մի յաւելու հասանէցան բնակել անդ :

6 Յերիս օրինակս 'ի հայրապետութեան Թորգիայ : Իսկ միւս այլ Թոր-
գայ վանականն :

7 Օրինակ մի յաւելու 'ի կեսարիա :

կարապետին: Յաւուր միում առեալ զփոքրիկ մանկիկն իւր անդրանիկն՝ որ էր յիստեան ¹, գայ բազում յօժարութեամբ ՚ի դուռն կարապետին: Աղաչէր բազում անգամ զկրօնաւորսն, զի թոյլ տացեն նմա մտանել յեկեղեցին: Իսկ սպասաւորքն արգելուին զնա ². բայց զփոքր մանկիկն Ստեփաննոս առեալ ՚ի գրկաց նորա, բերեալ առաջի սեղանոյն երկրպագեցուցին տեառն, և բերեալ ետուն ցմայրն իւր: Իսկ նորա առեալ՝ սկսաւ արտասուել, և ողբալով ասէ. վայ ինձ մեղաւորիս, որ զրկեալ եմ ՚ի բարեաց. ողբացէք զիս ամենայն կանայք, տեղի տուք արտասուաց իմոց ամենայն ձայնարկուք: Ծածկեսցեն զիս լերինք, և սղորմեսցին ինձ բլուրք. գազանք եղկեսցեն զիս, և թռչնոց ազգք խիթասցեն ընդ իս: Հրեշտակք ապաշաւեսցեն զանձն իմ, և դեք բունեալ յարձակեցան ՚ի վերայ իմ: Ողորմեցարուք ինձ ո՛վ սուրբ սպասաւորք կարապետիդ, և տուք տանել զիս ՚ի տաճար անդր ³: Եւ դարձեալ ցմանուկն ասէր. Ո՛վ սրգեակ, ընդէր բաժանեցար ՚ի գրկաց իմոց. զիմորդ ոչ սղորմեցար մօրս քո. ո՛չ ես ծնայ զքեզ, և ո՛չ ես սնուցի զքեզ. և զիմորդ թողեր զիս միայն:

Եւ զայս ասացեալ կնոջն, հանեալ բազում անուշահոտ խունկս տայր սպասաւորացն, և գանձս բազումս ՚ի սպաս սուրբ եկեղեցւոյն: Եւ պատգամս յղէր առ հայրն թողիկ, զի առեալ զիրսն՝ և զնա թողցէ ՚ի ներս: Եւ նա ասէ. Ոչ զայդ հրաման առեալ եմք յառաջնոցն, և ոչ իշխեմք առնել. արդ եթէ վասն հաւատոց ես, ընդունելի է քեզ այդ աշխատանքդ: Արդ մի վասն պատասխանւոյն ձանձրանար ՚ի մէնջ, այլ երթ ՚ի խաղաղութիւն: Իսկ նա ասէ. Ոչ այդպէս. այլ եթէ վասն իշխանութեան է, ես ոչ երկնչիմ ՚ի ձէնջ. իսկ եթէ վասն թշնամութեան կարապետին ընդ մեզ, և ո՛չ ինքն ՚ի կնոջէ ծնաւ, և տէրն ինքն ՚ի կնոջէ է ծնեալ. և ո՛չ առաքեալք և մարգարէքն մայր ունէին: Արդ ես մտանեմ ո՛վ տէր, և զմայրն քո բարեխօս ունիմ ինձ. մի առներ յիս զցասումն բարկութեան քո, զի մի եղէց նշաւակ

1 Օրինակ մի է սփեան:

2 Օրինակ մի յաւելու յայնձ խորհրդոյ:

3 Օրինակ մի է Կառմարդ արժանապէս:

աշխարհի. զի եթէ դու զկնոջ կաթն արբեր, գոնեա և զիս տաճարիս արժանի արա¹: Եւ զայս ասացեալ՝ եւ մուտ 'ի տաճարն, և համբուրեաց զորմ տաճարին. և գնաց առաջի սրբոյ սեղանոյն, և ծունր կրկնեալ՝ ասէ. Տես, տէր, զբեկեալ սիրտ իմ, և ողորմութիւն արա վերաւորելոյս. զի դու ոչ յիշեցեր յողորմութեան զբարկութիւն քո. արդ օրհնեալ եղիցի անուն քո յաւիտեան:

Եւ իբրև եւ անտի տիկինն, խստացին² ոխացան և տրտմեցան յոյժ ընդ իրսն սպասաւորք եկեղեցւոյն, և ոչ պատրաստեցին կնոջն կերակուր: Իսկ նորա հրամայեալ սպասաւորացիւրոց՝ ճաշ առնել կրօնաւորացն, և զամենեսեան 'ի սեղանն կոչել³. և էին արք երեք. հարեւր իննսուն և հինգ: Եւ յորժամ ճաշեցին, ասէ տիկինն. Ո՛վ սրբասէրք և փոյթք յաստուածային մշակութիւնն, ուրախ լերուք ընդ իս 'ի տէր, զի ներեաց ինձ, և կատարեաց զփափաքումս սրտի իմոյ. արդ օրհնեցէք զիս և սփոփեցէք⁴ 'ի խաղաղութիւն: Եւ յառաջ ելեալ գնացին:

Իսկ եկեղեցւոյն և մի ոմն 'ի կրօնաւորացն գնացեալ առաջի սրբոյ սեղանոյն, ասեն. Ո՛վ տէր, և դու ներես կնոջն՝ որ զայն գործեաց. և այլ կանանց զնոյն խրամ համարձակեալ հատանեն. արդ արա գնչան քո զօրութեանդ, զի վկայ լինիցի ազգաց, և վկայ և օրէն բազմաց: Եւ իբրև յուզարկէին զկինն՝ ելանել ընդ փոքր զառ 'ի վերն 'ի հարաւոյ կուսէ վանացն, որ 'ի զլուխ Նարդակայ⁵, և հայի 'ի փոքր ամրոցն Մեծամօր ներքոյ Նարդակայ՝ զոր Անդակն⁶ կոչեն, ետես կինն 'ի հիւսիսական կողմանէն տեսութիւն զարմանալի. և ընկէց զմանուկն 'ի զայեակն, և ասէ. Տեսանեմ այր մի զիսաւոր ընդ ամպս սրտացեալ, և ելեալ յեկեղեցւոյն զայ առ իս. տեսանեմ առ նա սուր սրեալ և թացու-

1 Օրինակ մի զիս ընդունելա ի քաճարդ արժանապէս:

2 Յերիս օրինակս խանդացին:

3 Օրինակ մի չունի զթիւ կրօնաւորացն:

4 Օրինակ մի արջակեցէ:

5 Յերիս օրինակս Սարակայ:

6 Յօրինակի միում՝ Արդակայ՝ զոր Արդակն կոչեն. իսկ յայլ չորս օրինակսն չիք:

ցեալ¹ և յարեան ներկեալ: Եւ ընդ բանսն եհար զնա, և անդէն սատակեցաւ²: Զոր տեսեալ ծառայիցն, ընթացեալ ազգ առնէին սպասաւորաց եկեղեցւոյն. և հայրն ելեալ բարկացաւ եկեղեցւոյնին, տրտմեալ յոյժ բազում ժամս արտասուեաց: Ապա առեալ զսպասաւորսն տարաւ 'ի տեղին, և կազմեալ գերեզման, եղին 'ի նոյն տեղւոջն. և կանգնեաց խաչ քարեայ, և գրեաց 'ի նմա այսպէս.

ՈՐ ՈՔ ՅԱՆԴԳՆԵՍՅԻ ՄԱՐՏՆՁԵԼ,

ԸՆԴ ԵԿԵՂԵՑԻ ԱՍՏՈՒԾՈՅ

ԱՅՍ ՍՈՒՐ ԵՂԻՅԻ ԸՆԴ ՆՄԱ³

Եւ հաստատեալ կայ այս գրով 'ի նոյն տեղւոջն:

Իսկ զմանուկն առեալ ետ 'ի դայեակս մինչև յարբունս հասաւ. և ապա առեալ 'ի վանսն ուսոյց զնա, և հաստատեաց զնա հայր վանացն յառաջ քան զմահ իւր⁴: Իսկ հայր նորա իշխանն Արծրունեաց մինչդեռ գայր 'ի կեսարիոյ, լուեալ զմահ կնոջն, ստըջացաւ. իսկ հայրն թողիկ մխիթարեաց զնա: Եւ նա խորհեցաւ շինել եկեղեցիս. բայց գնաց 'ի Մատրավանսն վասն նիւթ գտանելոյ, և անդ շինեաց եկեղեցի վայելուչ, և կոչեաց զանունն նորա վասն կնոջն՝ սուրբ Աստուածածին, և զարդարեաց զնա հրաշալի սպասիւք և կազմութեամբ: Նոյնպէս և զսուրբ կարապետն 'ի Գլակայ վանսն մեծաշուք փառօք զարդարեաց:

Սա գարձոյց զկուսուսն 'ի կարապետն և զՊարեխ. քանզի իշխան ոմն անօրէն՝ տանն մամիկոնենից՝ կըտորեաց զերկու աւանսն 'ի վանացն, և ետ գուսանի ումն կնոջ: Զոր, բարկացեալ հօրն կիւրղի, անիծեալ զիշխանն վասն կտրելոյ զգիւղսն 'ի վանացն: Իսկ յետ ամնոյ միոյ 'ի յորս ելեալ, ընկէց զնա երիվարն, և եհան զոգին: Բայց որդին թէպէտ և ետ զաւանսն, այլ ոչ

1 Յերիս օրինակս Ռաֆուղեալ:

2 Օրինակ մի և ընդ բանիցն եհար զնա և անքէն սպասիւեաց:

3 Օրինակ մի որ ոչ մարտնէի ընդ եկեղեցի սրբոյ կարապետին անդեղջ մաւլ այս սորս եղիցի երբս հոգոսյն և մարմնոյն, զի ոչ կարէ իշխանսն ինն մարտնէլէն ընդ սորոսոյ. ապա ելնէ մարտնէիցի՝ կորիցե որպէս կինս այս:

4 Օրինակ մի չուանի յառաջ քան զմահ իւր:

էառ 'ի նմանէ հայրն¹ մինչև 'ի գալ այս իշխանիս : Արդ այս իշխանս կչուեաց քսաններկու հազար դահեկան , և ետ իշխանին Տարօնոյ . և գնեաց զկուռառս և զՊարեխ , և ետ գնոսա վանացն վճռաւ . և երկու գիւղս յիւր գաւառէն , զԱրտամետ և զգահ իշխանացն² : Իսկ զորդին թողեալ առ Թողիկ , գնաց 'ի գաւառն իւր . և 'ի վախճանիլն իւր՝ ետ տանել զինքն 'ի վանսն Իննակնեան , և կայ 'ի կողմ արևելից երեք քայլ հեռագոյն յեկեղեցւոյն :

Ընդ այն ժամանակս սպանին զՈրմիզդ Պարսից արքայն , և Զամբ Խոսրով որդի նորա եկն փախստական 'ի Յոյնս³ . և կնքեալ Քաղկեդոնի հաւատովն⁴ , դարձաւ զօրօք 'ի Մօրկայ առ Պարսից գործաւորքն , և զերկիրն իւր աւնոյր : Արդ մինչ 'ի Յունաց գայր Խոսրով , առեալ զՄուշեղ զտէրն Մշոյ և Խուժայ Տարօնոյ իշխանն և Սասնոյ՝ հրամանաւն Մօրկայ , տարեալ 'ի Դուին , և Հայոց մարզպան հաստատեաց՝ տուեալ 'ի ձեռս նորա զզօրս Հայոց երեսուն հազար . և ինքն առեալ զզօրսն Յունաց եւթանասուն հազար , գնաց 'ի Բահլ Շահաստան⁵ : Եւ ընդ Հայոց զօրսն հպարտացան բնակել⁶ Յոյնքն , անցին գնացին աւուր միոյ ճանապարհ⁷ 'ի դաստակերտ , և անդ իջին :

1 Օրինակ մի հայր վանացն :

2 Յերիս օրինակս զԱրտամէս և զԴուս :

3 Յերիս օրինակս 'ի Հոմս :

4 Զայս և Յովհաննէս կաթողիկոս գրէ յիւրում պատմութեանն այսպէս . « Բայց մինչ դեռ կենդանի էր սուրբ հայրապետն Մովսէս , Խոսրով որդի Կաւառայ արքայի Պարսից , յեա բազում մարտից աւրութեանց և քաջութեանց , և տիրելոյ ազգաց բազմաց , ըստ ծագման նշուելից աստուածային լուսոյն 'ի սիրա նորա՝ 'ի ժամ վախճանի իւրոյ հաւատացեալ յաստուած ճշմարիտ , և յորդի նորա միածին , և 'ի հոգին սուրբ աստուծոյ . և անարդեալ 'ի բաց զկռամոլամբարշտութիւնն , խոստովան եղև՝ թէ ոչ գոյ այլ աստուած բաց 'ի միոյն միայն , զոր քրիստոնէայք պաշտեն : Եւ ապա աւազանին սրբոյ վերստին ծննդեան լուսաւորութեամբ հաղորդի կենդանարար մարմնոյ և արեանն տեառն : Եւ ողջունեալ զսուրբ աւետարանն Քրիստոսի համբուրմամբ , յեա երկից աւուրց վախճանի 'ի բարեոք ծերութեան : Եւ բարձեալ զմարմին նորա քրիստոնէից նուիրական սաղմոսերգութեամբ և քահանայական դասուր , տարեալ գնեն 'ի չիրիմս թագաւորացն :

5 Յերիս օրինակս գնացին 'ի Բալխաստան :

6 Օրինակ մի Բանակել :

7 Օրինակ մի գնացին սասուր գնացիս :

Իսկ Նիխորճէս, որ զՈրմիզդ եսպան, գումարեալ զզորս Պարսից ութսուն հազար, և եկն 'ի վերայ Մուշեղայ: Իսկ քաջն Մուշեղ քաջալերեալ զզորսն, հազիւ հաւանեցոյց մտանել 'ի պատերազմն¹: Եդ բանս 'ի բերան Հայոց զորացն Մուշեղ իշխանն մամիկոնենից և Հայոց մարզպան, 'ի բարեխօս և 'ի յօգնութիւն զսուրբ կարապետն կոչել. և միաբան² զայս բան ասացեալ, յարձակեցան 'ի վերայ զորացն Պարսից. և ետ տէր 'ի ձեռս նոցա զթշնամիսն: Զոր գիտացեալ Մուշեղայ՝ թէ նա է թագաւորն, նմա մատեաւ. և սկսան բախել իրերայ: Զոր վաստակեցաւ յոյժ³ Մուշեղ. սակայն զմահ և զկեանս առաջի եղեալ, բարձեալ զմուրճն 'ի վեր՝ իջոյց 'ի վերայ գագաթանն Նիխորճիշի, և ուղեղն ցնդեալ ընդ քիթսն իջանէր: Եւ կտրեաց զգլուխն, և ձգեաց 'ի մախաղն իւր. և յորդորեալ զզորսն 'ի պատերազմն, և զօրացեալ զորացն, առաջի եղեալ զնոսա 'ի փախուստ. և կալան 'ի նոցանէ քառասուն և ութ իշխան կենդանւոյն. և համար կոտորածոյն ոչ երևէր, վասն բազմութեանն: Իսկ արս հազար ընդ իշխանացն ըմբռնեալ, և մեծաւ յաղթութեամբ դարձաւ 'ի պատերազմէն:

Եւ իբրև ազդ եղև առ թագաւորն խոսրով, և խնդաց յոյժ. Իսկ զօրքն Յունաց տրամեցան սաստիկ ամօթով: Իբրև կոչեաց թագաւորն զՄուշեղ, և պատրաստեցաւ տալ պարգևս ամենայն զօրացն, յղեաց առ խոսրով արքայն Մօրիկ, քանզի զնա թագաւորին փոխարէն էին կացուցեալ. Եթէ գիտես դու զայդ, որ արքայի մահու սպառնայ Մուշեղ: Իսկ նա խորհեցաւ դարան մահու դործել նմա, և արձակեաց կոչել առ ինքն զՄուշեղ. և քոյր խոսրովու իմացեալ, ազդ արար Մուշեղայ զնենդութիւն եղբօրն: Իսկ Մուշեղայ առեալ ընդ իւր քառասուն իշխան, առանց այլ ուրուք, կազմեցան զօրէն պատերազմի. և սուսեր պատերազմի ընդ մէջ ամեալ,

1 Օրինակ մի յաւելու. և իբրև ճակատեցան և խմբեցաւ պատերազմն, եդ բանս:

2 Օրինակ մի գուլել միաբան զայս բան ասացեալ թէ սուրբ Արարպէտ հաս մեզ յօգնութիւն. և յարձակեցան:

3 Օրինակ մի որ յոյժ վաստակեցաւ:

այնպէս եկին առ թագաւորն: Եւ եկեալ երիվարօքն մինչև 'ի դուռն խորանին, և ամենայն խստութեամբ տուեալ պատասխանի, և 'ի լոյս ածեալ զմահու դարանն, թըակոծեցին զնա, և զանմտութիւն նորա պարսաւեցին. և յարուցեալ մեծաւ բարկութեամբ իշխանօքն հանդերձ, ել 'ի թագաւորէն: Իբրև լուաւ զայն թագաւորն՝ երկեաւ, քանզի մանուկ էր:

Իսկ իշխանն Մուշեղ արձակեաց առ Յունաց զօրավարն, և ասէ. Կամեցայք դուք սպանանել զիս նեղութեամբ, արդ մի զարթուցանէք զառեւծ՝ որ 'ի քուն է, և մի զգայլ՝ որ զիւր բարսն մոռացեալ է. ապա թէ ոչ, այն որ զութսուն հազարսն յաղթահարեաց, կարող է և զեւթանասուն հազարսն սատակել: Եւ ինքն թողեալ զզօրսն 'ի Դուին, 'ի բաց եկաց 'ի մարզպանութենէն. և առեալ զզօրս իւր, որ 'ի մամիկոնեան տանէն էին, եկն 'ի գաւառ իւր: Եւ յետ սակաւ ամաց եսպան փոկաս զՄօրիկ, և ինքն նստաւ յաթոռ նորա:

Իսկ Խոսրով գնացեալ վրէժխնդիր Մօրկայ, և եկեալ անցանէր ընդ կարնոյ քաղաքն. և արձակէ առ Մուշեղ իշխանն Տարօնոյ պատգամս, և ասէ. Արի ընդ իս 'ի դուռն թագաւորին Յունաց, լինել վրէժխնդիր Մօրկայ մահուանն. ապա թէ ոչ, 'ի դառնալն իմ՝ զերկիրդ քանդեմ, և զքեզ կապանօք տանիմ 'ի դուռն արքունի, կնաւ և որդեօք: Իսկ նա ոչ ինչ յղեաց պատասխանի առ նա, այլ սկսաւ ամրացուցանել զգաւառն: Եւ իբրև գնաց Խոսրով, էառ աւար և գերութիւն յերկրէն Յունաց. և անցեալ գնաց 'ի կողմանս Բասենոյ, 'ի Դըւին և 'ի Հեր և 'ի Բահլ: Բայց յորժամ եկին 'ի կարին, առաքեաց Խոսրով զՄիհրան 'ի Տարօն առ Մուշեղ իշխանն, զի կալցէ զնա և տարցէ 'ի պարսիկս: Եւ հրաման տուեալ, զտեղիսն՝ յորս նա զհաւասան ունէր՝¹ կործանել, և զկրօնաւորսն սպանանել. որոց եկեալ, զիրսն կատարէին:

¹ Յերկուս օրինակս պեղխն: զոր նա հաստատ ունէր. և յայլու՛մ հաստատ էր:

Գ Լ Ո Ւ Խ Բ.

Պատմութիւն Պարսից. և դաւն Միհրանայ 'ի Տարօն երեսուն հա-
զարաւ, և կոտորելն զնոսա Գայլուն Վահանայ յՅձ քաղաքի. և
դառնալն առ Միհրան աէրն Մշու, Գաւհրայ, Խուլթայ, Շասխոյ,
և Սասնոյ:

Յառաջին ամին թագաւորութեանն փոկասու, յոր-
ժամ սպանաւ Մօրիկ արքայ դաւով 'ի ծառայէ իւրմէ՝
որ և նստաւ յաթոռ նորա, յիշեաց խոսրով զուխտն
Մօրկայ՝ որ 'ի մէջ նորա և իւրն, և եկն էանց 'ի Յոյնս
չորեքտասան բիւրօք. և բրեաց բազում աւանս և գա-
ւառս, և դարձաւ: Իսկ զՄիհրան քեռորդին իւր առա-
քեաց 'ի Տարօն երեսուն հազարաւ: Եւ իբրև եկն նա 'ի
գաւառն Հաշտենից, կայեալ զոմն առաջնորդ իւրեանց՝
անցեալ եկին մինչև յԱրձանն քարեայ: Իբրև ընթեր-
ցան զգիր արձանին, խորտակեցին զնա. և ինքեանք
ութ հազար այր անցին 'ի Մեղտի և յԱստեղունս՝¹ ամ-
րոցն. իսկ քսաններկու հազարն դեռ յԱրձան անդր
կային, դիտելով զփախստականսն: Իբրև զիտացին
արքն եւթն, որք խոտաճարակքն էին, եկին 'ի վանսն,
և զամենեսեան փախուցին զկրօնաւորսն: Ոմանք փա-
խեան, և ոմանք մնացին. բայց Պողիկարպոս զամենե-
սեան յուղարկեաց յամուրն Ողկան, և 'ի տեղւոջն ըզ-
հայրն միայն զթողիկ արգել, և զսպասաւորսն եկեղե-
ցւոյն. և հրամայեաց սպասաւորացն՝ տէրունական մար-
մնոյն կազմել զանձինս: Իբրև մատուցին զպատարագն
եւթանեքին խոտաճարակքն, և հրամայեցին նշանագրի
միում՝ որ եկեալ էր 'ի Յունաց՝ գրել զառ յինքեանց
ասացեալսն. և ինքեանք տարածեալ զձեռս իւրեանց
առաջի սուրբ սեղանոյն, և ասեն այսպէս.

Տէր աստուած զօրութեանց և արարիչ յաւիտենից,
որ ստեղծեր զմարդն 'ի պատկեր քո բարերարութեանդ,
և կացուցեր զնա իշխան 'ի վերայ երկրի. և ետուր նմա
զփառս և զպատիւ յաւիտենական անմահ: Ուստի նա-

¹ Յերես օրինակս յԱստեղունս:

խանձեալ բանսարկուին՝ մտին մեզք յաշխարհս, և 'ի մեղաց անախ մոռացումն, և 'ի մոռացմանէն կորուստ յաւիտենական. ուստի զորդէզրութիւնն, որ յաստուծոյ էր, ջնջեցաք մեղացն ապականութեամբ. ուստի փրկութեան ճանապարհն բարձեալ էր, և մահ թագաւորեալ: Այլ դու, տէր, զթացար 'ի ստեղծուածս քո աստուածային ձեռացդ. առաքեցեր զմիածին Որդիդ քո 'ի փրկութիւն աշխարհի, որ եկն և եղև մարդ 'ի կնոջէ 'ի մեր նմանութիւնս, և էառ զմեր պատժապարտութիւնս. դատապարտեաց զմեզս մարմնով իւրով, և լոյծ զանէծս նախաստեղծին Ադամայ: Եբարձ զապականութիւն մարմնովն 'ի գերեզմանի, և իշխան գոլով 'ի վերայ մահու՝ զմահ գերեաց, և զգոխս աւերեաց. զարգելեալսն ազատեաց, և ճանապարհս յերկինս ուղղեաց, առաջնորդելով ամենեցուն յառաջին յանմահական տեղիսն: Զայս ամենայն արարեալ, և զմարմին իւր ետ հաւատացելոց 'ի կերակուր, և զարիւն իւր ըմպելի, և զմահ նորա պատմել ամենայն հաւատացելոց: Եւ վասն անուան նորա զմահ առ ոչինչ համարելով՝ զանձինս իւրեանց մատնեցին տանջանաց և մահու, փոխարինի ակն ունելով 'ի միածնէ Որդւոյ քո, փառաւորելով զամենեցունց Հայր սուրբ:

Այսօր և մեք զանձինս մեր 'ի մահ մատնեմք և չարչարանաց և վշախ. այլ և վասն խոստմանդ, թէ որ ճանաչեն զիս՝ 'ի հալածանս կայցեն, զի « Ուր եսն եմ, ասէ, անդ և պաշտօնեայն իմ եղիցի » . և գիտեմք, տէր, զի ոչ անտես առնես զաղաչանս մեր, և ոչ ընդ վայր հարկանես զանձինս ծառայից քոց: Տուր, տէր, փառս անուանդ քո վասն սքանչելեաց քոց, զորս ցուցանես առ փառաւորիչս անուանդ քո յազգաց և յաւիտեանց: Մի տար օտարոտից՝ զբնակութիւն սիրելեաց քոց անհաւատիցն ժառանգել. և մի մեծարանեսցեն հեթանոսք՝ թէ կործանեցաւ տեղի փրկութեան նոցա, և ոչ որ է՝ որ օգնէ նոցա. և ուր է տէր աստուած նոցա՝ յոր յուսացեալն էին: Յիշեա, տէր, զգինս արեան քո, և փրկեա 'ի ձեռաց նեղչաց զհաւատացեալս անուանդ քո .

1 Օրինակ մի օգտորդի:

զի ծանիցեն ազգք հեռաւորք զմեծութիւն քո, և յուսացին յանուն քո ամենեքեան, որք երկիրդիւ ծառայեսցեն մեծութեան քո: Ամրացո, տէր, զժողովուրդս քո, հովուեա և բարձրացո մինչև յաւիտեան. պարըսպեա, տէր, խնամատար աջովդ զոր փրկեցեր պատուական խաչիւդ քով, տալով օգնական 'ի նեղութեանս 'ի դէպ ժամանակի: Չգեա, տէր, զամրածածուկ աջ քո 'ի վերայ բանաւոր փարախիս այսորիկ, և մի տար զժառանգութիւնս քո բնակութիւն անհաւատիցն¹. եղիցի ձեռն քո 'ի զօրացուցանել զհաւատացեալսն, և որք դաւանեն և խոստովանին զանուն քո առաջի ազգաց անօրինաց: Տուր, տէր, մասն ժառանգութեան անձանց մերոց 'ի վերինն Երուսաղէմ. զի վասն քո մեռանիմք զօր հանապազ, և զանձինս մեր վասն քո անբաւ և անչափ մարդասիրութեանդ 'ի մահ մասնեմք: Զայլ ինչ ոչ ունիմք պարտուց վճարումն, բայց յաշխարհի աստ նեղութիւն ունիմք²:

Լուր, տէր, ձայնից մերոց, և խոնարհեցո զունկն քո 'ի մաղթանս ծառայիցս, բարեխօսութեամբ քո կարապետիս և Մկրտչիս. և սորին ճգնութեամբս պահեա զեկեղեցիս հաւատացելոց անասանելի և անդրդուելի, զի հաստատուն կացցէ հիմն հաւատոյս մերոյ 'ի վերայ հիման առաքելոց և մարգարէից³ խոստովանութեանն, մինչև երևեսցի արդար դատաստանն համօրէն աշխարհի: Երևեսցի փառք քո, տէր, 'ի տաճարս յայս՝ զոր ընտրեցեր հիմնարկութեամբ սրբոյն Գրիգորի, և բնակութեամբ սրբոյ կարապետիս. և կացցէ⁴ փառք սուրբ Երրորդութեանն 'ի տեղի աստ: Քանզի սա է դուն զժոխոց, և կապանք⁵ մահու. իսկ այժմ 'ի սմանէ մահ սարտուցեալ, երկնչի մերձենալ չարութեամբ առ հաւատացեալս: Ի սմանէ և դեք պատկառեցան, և մի դժբեացեն զսպասաւորք սորա, և որք գայցեն 'ի սմա: Զբազմութիւն դիւացն կապեսցես 'ի տեղուջս յայսմիկ,

1 Օրինակ մի և մի քար ի բնակաւիտան քո անհասարկոյն հփանելէ:

2 Օրինակ մի կրէլ:

3 Օրինակ մի առաքելական և մարգարէական:

4 Օրինակ մի յաւելու և հասցէ:

5 Օրինակ մի կապանք:

զի խթեսցեն զծուլացեալսն յաստուածպաշտութենէ . բայց մի տացես նոցա իշխանութիւն՝ ըստ իւրեանց լըրբութեանն յարձակիլ ՚ի վերայ հաւատացելոց : Եղիցի և որք հաւատովք յիշեսցեն զանուն սուրբ եկեղեցւոյս ՚ի նեղութեան իւրեանց կամ ՚ի վիշտս կամ ՚ի ցանկութիւն չարեաց կամ ՚ի լկումն կամ ՚ի գետավիժութիւն կամ ՚ի գազանաց բեկումն կամ ՚ի վիհս անհնարս որով գայթից, դու տէր աստուած մեր լուիցես նոցա, և զերծուցես զնոսա յարժանահաս չարեաց անտի . քանզի քո արարածք են և զինք արեան : Մի վասն մեղաց նոցա դատեսցես ¹ զնոսա, և վասն անօրէնութեան նոցա պատժապարտեսցես զնոսա . այլ գթութեամբ քով խրատեա, որ անոխակալք ես և ամենեցուն մատակարար ըստ իւրաքանչիւր պիտոյից :

Յիշեա զորս արեամբ քով գնեցեր, և մահուամբ քով որդեգիրս արարեր . մի եղիցի իշխան ՚ի վերայ հօտի քո, և ապաստանիչ ժառանգութեան վերին Սիօնի : Տուր, տէր, շնորհս բնակչաց սորա՝ որք պանդխտութեամբ կենօք գնան ՚ի կեանս յայտոսիկ, և ոչ ըստ մարմնոյ դրգանաց, և զմիտս իւրեանց յերկիւղ քո ունիցին . թող զմեղս նոցա, ջնջեա զյանցանս նոցա, բարեխօսութեամբ սրբոյ կարապետիս . և հեղմամբ արեան սորա՝ զրեա զնոսա ՚ի գպրութիւնն կենաց ՚ի վիճակս արդարոց քոց : Այ՛՛՛՛՛՛՛ աղաչեմք . եթէ մեղք մեծամեծք իցեն, ՚ի կալ առաջի սրբոյ եկեղեցւոյս, և ունելով բարեխօս զհեղումն արեան սրբոյ կարապետիս, և զմեր նահատակութիւն տառապանացս, հաշտեաց ընդ նոսա մարդասիրութեամբ քով : Մի անտես առներ զաղաչանս մեր, զի դու վասն մեղաւորաց իջեր յերկնից, որպէս ասացեր . « Ոչ եկի կոչել զարդարս, այլ զմեղաւորս » : Արդ վասն մեղաւորաց աղաչեմք, և ոչ վասն արդարոց . զմեղաւորաց թող զմեղս, զհիւանդաց առողջացօ զվէրս . և որք ապաւինեցան ՚ի կենդանութեան իւրեանց, և գործեցին զբարիս ՚ի սուրբ եկեղեցիս, և որք սատարեսցին ² սրբոյ կարապետիս և կրօնաւորացս և բազում

1 Օրինակ մի գտաւես . . . պարթապարբես :

2 Ի միում օրինակի սաքարեայնն :

մեղս գործեալ իցեն, և առատաձեռնին 'ի մեղաւոր ընչից իւրեանց սրբոյ կարապետիս, նոյն ինքս կարապետս լիցի փոխատու փոխանակ ապականացու ողորմութեանն ըստ հաւատոյ¹ նոցա զպարտիս իւրեանց մատակարարեա 'ի նոսա առատապէս զթողութիւն մեղաց: Մնասցէ զօրութիւն աջոյ քո 'ի վերայ վիմիս այսորիկ, որպէս յառաջ հիմնարկեցաւ քո զօրութեամբդ, նոյնպէս կացցէ մինչև գաս 'ի նորոգել զերկիր: Յայնմ աւուր գտցես զսա նորոգ և անապական որպէս զխորանն 'ի հնումն, զի դու կարօղ ես յամենայնի. և ըզմեր մահս ընկալ, և յամենայն արարածոց քեզ փառք յաւիտեանս:

Եւ յասել զամէնն, եկն ձայն յերկնից՝ որ ասէր. Եզիցի ձեզ որպէս և կամիքդ. և որք վասն անուան իմոյ և կարապետիս պանդխտացին, հատուցից նոցա 'ի գալստեան իմում, և զմեզս թողից նոցա. վասն զի մարդասէր եմ առ ամենեանս. դարձեալ և դուք եկայք 'ի տեղիսն լուսեղէնս, զոր պատրաստեցիք ճգնութեամբ ձերով: Եւ լուեալ սրբոցն, երկիր պագին առաջի սրբոյ սեղանոյն, և ելեալ արտաքս: Եւ գնաց Պօղիկարպոս տառաջի սրբոյ խաչին, և անդ սկսաւ աղօթել և աղաչել զաստուած վասն խաղաղութեան ամենայն աշխարհի, և զեկեալ թշնամին խորտակելոյ, և աղքատաց մնալ 'ի տեղիս իւրեանց: Եւ յանկարծակի հասին զօրքն Պարսից. իբրև տեսին զՊօղիկարպոս, վաղվազակի հատին զպարանոց նորա և ընկեցին առաջի խաչին: Եւ ինքեանք փութապէս եկին մինչև 'ի դուռն եկեղեցւոյն, և տեսին զկրօնաւորսն յարտասուս և յաղօթս պարապեալ. և յարձակեալ 'ի վերայ զեթանեքեանն կոտորեցին: Որոց անուանքն են այսոքիկ. Թէոփլաս, Պօղիկարպոս, Սիմէօն, Յոհաննէս, Եպիփան, Դիմառիոս, Ենարկիոս²: Սոքա եւթանեքեան կատարեցան 'ի զօրացն Պարսից Միհրանայ, յամենանն քաղոց՝ որ օր չորրորդ³ էր, յաւուր հինգշաբաթի յիններորդ ժամու. և ինքեանք մնացին 'ի տեղին մինչև ցառաւօտն⁴:

1 Օրինակ մի ողբմանն հարս նոցա:

2 Յերկուս օրինակս Նաբեոս:

3 Օրինակ մի երբորդ:

4 Օրինակ մի յաւելու պարսիկս:

Բայց զդուռն եկեղեցւոյն ոչ կարացին գտանել, զի ծածկեաց տէր 'ի նոցանէ. և սկսան մրճօք հարկանել, և ոչ գտին: Եւ զարհուրեալք 'ի դիւաց՝ փախեան 'ի տեղւոյն, զի գիշեր էր¹. և մարմինք սրբոցն անկեալ կային 'ի տեղւոյն զերիս աւուրս անթաղ, քանզի փախեան ամենեքեան: Եւ յետ երկց աւուրց եկին սպասաւորք եկեղեցւոյն, և հայրն թողիկ. և տեսեալ զնոսա՝ զի վախճանեալ էին, յարտասուս եղեալ՝ տրամեցան յոյժ: Ապա առեալ զնշխարս նոցա իջուցին 'ի կողմն հարաւոյ 'ի մէջ դրախտին, և անդ փորեցին զերկիր, և իջուցին զնոսա 'ի գերեզման առ Անտօն և Կրօնիդէս, որք զկնի սրբոյն Գրիգորի ելեալ էին 'ի Կեսարիոյ. և կանգնեալ նշան տէրունական 'ի վերայ նոցա, բազմաց բժշկութիւն լինէր 'ի տեղւոյն:

Իսկ ոմանք հասեալք 'ի Մուշեղայ իշխանէն՝ տեղեկանալ վասն զօրացն, իբրև տեսին զնոսա կոտորեալս՝ հիացան. և փութանակի երթեալ պատմեցին զիրան իշխանին Մուշեղայ: Եւ նորա լուեալ, զաւուրս երիս իբրև զմեռեալս զնէր անխօս: Իսկ զօրքն մատուցին նրմա թուղթ քրիստոնէական օրինօք և մխիթարութեամբ, ասելով. Ճշմարիտ շառաւեղ երանելի յուսոյն, երջանիկ ասպարապետ, մի տրտմիր² վասն նոցա. զի աղօթիւք իւրեանց՝ ամուր աշտարակ եղեն աշխարհի, բարեխօսք և օգնականք մեզ առ աստուած: Բայց դու առաւել դու հութիւն մատո աստուծոյ, որ 'ի քում ժամանակի յայնքան աստիճան առաքինութեան հասին, և հանգըստեամբ փոխեցան առ աստուած մարտիրոսական մահուամբ յաշխատութենէ 'ի հանգիստ, 'ի խոտաբուս կենաց 'ի դրախտն փափկութեան, և մեզ միշտ բարեխօսք: Արդ արի սթափեաց և զեկեալք 'ի վերայ մեր զՄիհրան յուղարկեսցես³: Իսկ նորա սրպէս 'ի քնոյ զարթուցեալ, հրամայեաց կոչել առ ինքն զՎահան, զոր իշխան էր արարեալ զնա Տարօնոյ մինչ ինքն Հայոց մարզպան եղև: Եւ ասէ ցնա. Որդեակ Վահան, դու

1 Օրինակ մի 'ի Կեղևոյն գիշերու:

2 Օրինակ մի՝ Քեղևոյն:

3 Օրինակ մի զնոսա յԱստուած թող և Կես զեկեալս 'ի վերայ մեր զՄիհրան ինքն սրպէս յաղբեցէ:

զիտես զաւուրս կենաց իմոց, զի այս հարեւր և քսան ամ է՝ որ ես պատերազմ եմ մղեալ, և սլաքով եմ սրբ բեալ զարիւնն ՚ի ճակատէս¹ փոխանակ քրտանցն. ութսուններեք ազգմ² անձամբ իմով եմ կարգեալ և մղեալ³: Եւ այժմ ծեր եմ և դողդոջոտ, և օգնական իմ աստուած է և դու, և ոչ այլ ոք. զի որդին իմ մեռաւ երկոտասանամեայ⁴: Եւ արդ, որդեակ, զիր զայս ՚ի մտի քում. զի եթէ ՚ի վերայ քրիստոնէից մեռանիս և եկեղեցւոյ, մարտիրոս ես. իսկ եթէ ՚ի վերայ մարմնաւոր ընչից իջանես ՚ի մարտ, և այն քաջութեամբ է. զի ես այլ ժառանգ ոչ ունիմ, և երկիրս քեզ եղիցի, և զաւակի քում յետ քո: Արդ արի և գնա, և իմաստութեամբ որսա զնա, և սուրբ կտրապետն եղիցի քեզ օգնական և պարիսպ, և աղօթք սուրբ կրօնաւորացն յաջմէ և յահեկէ⁵:

Իսկ վահան յանձին կալեալ զիրան, սկսաւ դեսպանս կազմել և առ նա յուղարկել, զի հաշտեսցի և գնացէ: Իսկ նա ասէ. Ոչ, այլ մինչև զիշխանն Մուշեղ ոչ կալեալ տանիմ ՚ի պարսիկս առ արքայն, ոչ գնամ աստի: Իսկ վահան արձակեալ, ասէ. Եթէ զերկիրս ինձ տաս տէրութեամբ և իշխանութեամբ, ես տաց զիշխանն Մուշեղ ՚ի ձեռս քո. և ես ինքն առ քեզ գամ ապրստամբութեամբ ՚ի նմանէ, և հատանեմ զերկիրդ ՚ի պատեհութեան: Եւ նորա արձակեալ կոչեաց, քանզի յօժար էր իրացն. և ինքն իջանէր ՚ի Մուշն աւանի, և Մուշեղն յամուրն Ողկան:

Արդ այն զօրքն, որք զկրօնաւորան կոտորեցին, անցեալ գնացին յԱստղօն ամրոցն⁶. կացին աւուրս երկու, և ոչ ինչ կարացին առնել. ապա գնացին առ Միհրան, և մատուցին զամենայն ձև ամրոցին⁷: Իսկ իբրև եկն վահան առ Միհրանի, և նա խնդրեաց ՚ի նմանէ

1 Օրինակ մի մղել, և զարիւնն ի ճակատէս սրբեալ փոխանակ գրասն:

2 Օրինակ մի էսթանասուն և երեք պարեքազմ:

3 Օրինակ մի յաղթեալ:

4 Յերիս օրինակս երկոտասան ամ է:

5 Օրինակ մի չուրի զվերջին հատուածք և պարիսպ... յահեկէ:

6 Ի միում օրինակի յԱստղօն ամուրն. յայլում յԱստղօն ամուրն, որ պէս և ՚ի ստորև:

7 Օրինակ մի և ծանոցին վասն ամրոցին:

զՍտողօնս, և վահան ասէ . Ոչ այդպէս, տէր . այլ տուր 'ի ձեռս իմ' չորեք հազար այր, որ գնամք 'ի վերայ ամուր բերդիցն՝ ուր մտերիմքն նորա են և գանձքն . գուցէ բռնացեալ՝ ոչ տայցեն 'ի ձեռս իմ', ապստամբ զիս կարծելով . այլ այժմ երթիցուք նախ յՕձ քաղաք, և ապա յայլ ուրեք: Իսկ Միհրան տուեալ 'ի ձեռս նորա չորս հազար ընտիր առնեձիոյ, և նորա առեալ տանէր մինչև 'ի դուռն Օձ քաղաքին . և 'ի ներքս նենգութեամբ դարան մահու գործեալ՝ 'ի ձեռս գալ զօրացն: Եւ առ վաղիւն բանս արարեալ քաղաքին 'ի ներքս առնուլ ըզզօրսն Պարսից . և քանզի նուրբ էր մուտ քաղաքին, սակաւ սակաւ կարէին մտանել 'ի ներքս . և որք ընդ դուռն յայնկոյս անցանէին, զայնս 'ի տունս արկեալ՝ 'ի զգեստիցն կողոպտէին, և զգլուխսն կտրէին . և արտաքոյ պարսպին յաներևան տեղիսն 'ի խորան ընուին: Եւ 'ի չորեքհազարէն իսուն այր թողեալ էր 'ի Խարձ¹ կոչեցեալ գեւղն . և նշան տուեալ էր, թէ յորժամ զք 'ի ձեզ յուզարկեմ, 'ի Միհրան գնացէք, և այլ զօրս անձէք: Եւ այնպէս արարեալ, և յղեաց՝ թէ այլ զօրս տուր: Եւ նոքա դարձան առ Միհրան, և առին 'ի նմանէ երկու հազար այր ընտիր, և եկին առ վահան . և նա այնպիսի գործ հնարեաց, զոր ոչ կարացին գիտել պարսիկքն:

Արդ յորժամ եկին 'ի դուռն Մօրացն, վահան զՊարսից զօրաց զերիվարսն և զհանդերձսն տուեալ էր քաղաքացեացն . 'ի դուռն կոչեաց զնոսա, և ետ խրատ՝ թէ յորժամ նոքա 'ի ձեզ հային, դուք միաբան 'ի քաղաքն դարձէք, և 'ի ներս մտեալ՝ զյաղթութեան փողն հնչեցուցէք . և զդուռն քաղաքին 'ի բաց թողէք, զի նոքա կարծիցեն՝ թէ առին² զքաղաքն: Եւ արարին այնպէս: Արդ իբրև տեսին պարսիկքն՝ զի դիմեցին նոքա միաբան 'ի քաղաքն, խնդացին յոյժ . և դիմեցին նոքա ևս 'ի քաղաքն, և սկսան մտանել: Իսկ վահան փութով ընդ առաջ եկեալ զօրացն, աւետիս տայր . և քսան այր 'ի պարսիկ զօրացն աւետաւորս առաքէր առ Միհ-

¹ Յերկուս օրինակս 'ի Հարցս:

² Օրինակ մի առաջ:

րան, թէ առաք զքաղաքն ¹. և ինքն դարձաւ զհետ Պարսից զօրացն: Եւ իբրև բազումք մտին 'ի քաղաքն, և այլքն զեռ մտանէին, սկսան կասկած առնուլ զիրացն, և կամէին յետս դառնալ: Իսկ վահան զհետ մտեալ, սկսաւ կոտորել, և 'ի մօրսն ընուլ. և ինքն ասաի, և քաղաքացիքն անտի քառասուն այր մօրահեղձ արարին. և զայլսն 'ի քաղաքն արգելեալ, կտրել տայր զզլուխսն. և 'ի պարիսպն հանէին: Եւ արարեալ համար յաւուր յայնմիկ, դաին զզլուխս վեց հազար, պահաս երկու: Եւ հրամայեաց զամենեցուն զքիթսն կտրել և զթըլփատսն, և արկանել 'ի մախաղ:

Եւ ինքն առեալ զզօրս իւր արս եւթնհարեւր, եկն 'ի Մուշն աւան. և երեքհարեւր այր թողեալ յանցս Մեղուայ ², և երկու հարեւր այր աշտենաւոր թողեալ 'ի Սանասայ 'ի Ծծմակն ³, և ինքն երկու հարեւր այր առեալ ընդ իւր, եկն առ Միհրան. և մտեալ 'ի սենեակն, խօսեցաւ ընդ նմա այսպէս և ասէ. Ես փախըստական եկի 'ի քո զօրացն առ քեզ. զի ոչ 'ի քաղաքն թողին զիս, և ոչ աւարամասն ետուն մեզ. այլ և զիմ զօրսն 'ի քաղաքն արգելին, և ես փախստական գամ: Իսկ Միհրան խորհեցաւ հազար այր արձակել 'ի վերայ նոցա. և վահան ասէ. Եւ 'ի քէն իսկ ապստամբեալ են. քանզի զաւար քաղաքին և զկապուտն առեալ, և կամին 'ի Յոյնս անցանել: Իսկ Միհրանայ առաւել բարկացեալ, հրամայեաց երկու հազար այր արձակել 'ի վերայ նոցա. և վահան խրատ տայր զօրացն 'ի գիշերի մի անցանել ընդ գետ Մեղտեայ, այլ իջևանս առնել, և 'ի վաղիւն ապա գնալ. Գուցէ ոք թշնամի, ասէ, յարձակիցի. և դուք չէք ընդել վայրուցն: Եւ ասէ ցնոսա. Հազար այր գնացէք ընդ Ծծմակն ⁴, և հազար ընդ դաշտն: Եւ տուեալ նոցա առաջնորդ, և ինքն ել 'ի Միհրանայ, գնաց յուղարկել զնոսա: Եւ իբրև գնացին յայն տեղին՝ ուր բաժանել հրամայեաց, առաքեաց հա-

¹ Օրինակ մի յաւելուլ իբրև դարձան աւերակներն և ինքն դարձաւ:

² Յերկուս օրիրակս Մեղուայ:

³ Յերկուս օրինակս երկու հարեւր այր աշտենաւորս 'ի Սասանայ ցեղն իւրայր 'ի Ծծմակն: Եւ միւս այլ 'ի Սարասանայ:

⁴ Յերկուս օրինակս դարձեալ 'ի Ծծմակն, որպէս և 'ի ստորև:

րեւը այր ընդ նոսա՝ որ ընդ Ծծմակն գնացին . և ինքն՝
հարեւր այր առեալ, գնաց զկնի նոցա :

Եւ իբրև գնացին յեզր գետոյն Մեղտեայ, յայն կոյս
իջոյց զնոսա ՚ի քուն առնել . և ինքն ՚ի պատրաստի
արարեալ զգարանակալն, հրամայեաց ծառայիցն՝ կը-
տրել զերիվարսն արօտոյ պատճառաւ, և զնոսա յան-
հոգս առնել : Եւ յանկարծակի հնչեցուցին զփողսն յե-
տոյ և յառաջոյ, և ՚ի մէջ առին զնոսա . և ՚ի սակաւ ժա-
մու բարձին զգլուխս նոցա, և ՚ի գետ տնդր ընկեցին,
և մի ոք ոչ կարաց զերծանել . և զերիվարսն առաջի ե-
դեալ, ՚ի Ծծմակն անցուցին : Եւ մինչ նոքա զայն պա-
տերազմն անցուցին և վճարեցին, և յառաջսն եկին այ-
սոց, և նոքա դեռ չէին եկեալ ՚ի Ծծմակն, և կային մը-
նային մինչ նոքա եկին և յանհոգս եղեալ իջին, զի
զայն խրատ տուեալ էր վահանայ : Եւ ապա կալեալ
զխելս կամրջին, և ձայն սաստիկ հնչեցուցին շուրջանա-
կի զնորօք, և սկսան յանխնայ կոտորել զնոսա . և մի
՚ի նոցանէ ՚ի մօրն ¹ թագուցեալ, հեծեալ յերիվարն՝
փախեաւ ՚ի Մուշ : Զորոյ զհետ մտեալ երկուց ոմանց,
և յայնկոյս գետոյն ջաղխեցին զգլուխ նորա, և ուղեղն
ընդ քիթն իջանէր : Եւ մեւս ընկերին առեալ աւազ մա-
տուցանէր, և ասէր . Պարսից խորտկարար, առ զաղս :
Եւ կոչեցաւ անուն տեղոյն այնորիկ Առաղս մինչև ցայս
օր . զոր և աւան իսկ շինեաց : Եւ վահանայ ՚ի մօրին
տուեալ զնոսա, ոմանք այլ ոչ կարացին ելանել, և ո-
մանք ՚ի ջուրն անկեալ ² խեղդեցան : Եւ զորս ՚ի ցամաքն
սպանին, զքիթսն և զթլփատսն կտրէին և պահէին, և
զգլուխսն ՚ի մօր անդր և ՚ի դաշտն ընկենուին : Եւ ժո-
ղովեալ զերկու հազար երիվարսն, ետ տանել յեղանց ³
բերդն, զոր դեռ Եղնուտն ⁴ կոչեն :

Եւ ՚ի վաղիւն դարձեալ եկին առ Միհրան ⁵ . և վա-
հան հրամայեաց ծառայից իւրոց՝ ճաշ առնել, և զՄիհ-
րան կոչել : Իսկ նա վասն խօթութեան պատճառանաց

1 Օրինակ մի ՚ի Դին :

2 Օրինակ մի արգելեալ :

3 Յերիս օրինակս յՈղնուբերդն :

4 Օրինակ մի Ողնուտն :

5 Յերիս օրինակս առ Նիսի :

'ի սենեակ մտեալ, զվահան միայն թողոյր առ իւր: Իսկ վահան դռնապան եղեալ, և զիշխանսն որք գային դարձուցանէր, ասելով. Հայոց մարզպանն չկարաց գալ 'ի ճաշն: Իսկ նոցա ժողովեալ 'ի տաճար մի, ընդ գինի մտին¹. և վահանայ առեալ զմախաղն, ուր քիթքն և թլփատքն կային, ետ բերել առաջի իւր: Իսկ նորա զարհուրեալ, ասէ. Ձինչ է այդ, զրոյց տուր ինձ: Եւ նա կարգաւ պատմեաց նմա ստուգիւ, և մի բան ոչ թաղուցեալ 'ի նմանէ զոր ինչ արարեալն: Իսկ նորա բարկացեալ, առեալ զտէգն 'ի ձեռանէ ծառային, և կամէր հարկանել զվահան: Եւ նորա ձգեալ զձեռն իւր 'ի սուրն՝ որ առաջի կայր, կտրեաց զթլփատն նորա, և եդ 'ի բերան նորա, և ասէ. Դու ես, որ թշնամանէիր զաստուած, և զկրօնաւորսն իմ՝ զսիւնսն աշխարհի սպանանել տայիր: Եւ կտրեաց զքիթսն, և ցուցանէր աչացն. և պատառեալ զփորն, ետ ծառային հանել զլեարդն և դնել 'ի բերանն. և հարեալ զգանակն 'ի փորն², և ետ թողուլ 'ի ցից:

Եւ մինչ լոկ որ զթլփատն կտրեաց, ասէ³. Տուր բանից նիշ և պատուէր 'ի պարսիկն՝ որ յԱպահունիս, և ես ապրեցուցանեմ՝ զքեզ: Եւ նորա տուեալ բանից նշան և պատուէր՝ բազում՝ երգմամբ ասացեալ, զոր նա և նա միայն պիտէին: Եւ իբրև ասաց զիրսն, առեալ զգանակն եհար 'ի սիրան, և անդէն մեռաւ: Իսկ ծառայիցն առեալ զարիւնոտ զգեստ պահէին, և զգետինն մաքրեալ յարենէն, և կողմնեցուցեալ 'ի մահիճսն, քնոյ պատճառանօք ծածկեցին: Եւ ինքն կոչեաց զպարսիկ դպիրն Միհրանայ 'ի սենեակն. և ետ զրել ողջոյն և բանից նիշ⁴, թէ յետ երից աւուրց ել 'ի բլուրդ՝ որ 'ի վերայ կոթ ձորոյն՝ հազար արամբք միայն, զի տեսցուք զիրեարս: Եւ դպիրն գրեաց որպէս ասաց նմա վահան, և եդ զմատանին Միհրանայ 'ի վերայ. և կոչեաց 'ի ծառայիցն Միհրանայ տասն այր հաւատարիմ, և ետ

1 Օրինակ մի 'ի գինի խառնեցան:

2 Օրինակ մի 'ի խոզն:

3 Օրինակ մի է- միւր գէտ- յոգովն էր՝ խնդրեաց բանից նիշ և պատուէր 'ի պարսիկն որ յԱպահունիս էր, և ես ապրեցուցանեմ զքեզ:

4 Յերիս օրինակս ողջոյն և նշանաբան:

տանել զթուղթն առ վարչիր՝ որ զհազար այրն ունէր ընդ ինքեան, և յԱպահունիս էր. և առեալ զթուղթն գնացին: Իսկ վահան կոչեաց զնուիրակն, և ասէ. Երթ կոչեա զայս անուն իշխան: Եւ կոչեաց. և իբրև գայր իշխանն և մտանէր ընդ փողոցն խաւարչտին¹, միայն վեց այր աստի և անտի կային: Եւ մինչ դեռ կամէր մտանել ՚ի սենեակն, աճապարեալ ունէին զփողիցն, զի մի ձայն ինչ բարձցէ ՚ի մեւն. և հարեալ դանակ ՚ի սիրան, ՚ի մեւս այլ սենեակն ձգէին զգին. ուր և զնուիրակն և զգպիրն վասն պատճառանաց² իրաց արկանել ետ ՚ի բանան:

Եւ ինքն սկսաւ կոչել զիշխանսն խաբէութեամբ ՚ի խորհուրդ, և նենգով այնպէս առնէր. և եսպան յաւուր յայնմիկ իշխանս ութսուն և վեց: Եւ իբրև վճարեցան իշխանքն, գնաց ինքն ՚ի տաճարն՝ ուր զօրքն էին Պարսից. և ժողովեաց զնոսա ՚ի ներս, և զիւրն և զայլ գաւառին մարդիկն արտաքս եհան: Եւ ինքն սկսաւ զնոսա վտանգել բանիւ, թէ արժան էր ձեզ զմարգարտապսակն³ զմարդպանին գողանալ. արդ հրամայեալ է՝ զձեզ զամենեսեան մերկ առնել, մինչև ցուցանէք: Եւ հանեալ զամենեցուն զհանգերձսն, արգել զնոսա ՚ի տաճարին, և ՚ի մեւս այլ արս հազար իննհարեւր և երիս: Եւ փակեալ զգրունս տաճարացն, ետ բերել զգլուխն Միհրանայ, կախեալ ընդ երզն, ցուցանէր նոցա ասելով. Այս այն գլուխն է, որ խորհէր զսուրբ կարապետն հիմն ՚ի վեր առնել, և զկրօնաւորսն հրով այրել⁴: Եւ հրամայեաց վառել զերկոսին տաճարսն, և ասէ ցնոսա. Դուք ինձ մնասակարք էք, որք զտաճարսն այլ յայրել էք ՚ի տալ. բայց թէ կամի աստուած և սուրբ կարապետն, ես զայս փայտս յապաշաւել եմ թողեալ. սակայն ընդ ձեր և ընդ ձեր թագաւորին կառափն հանեմ. զի ես աշխատեալ եմ ՚ի շինելն, և դուք մերկք էք և ցրտացեալք. բայց վասն իմ մեղացն թուղթեան և իմ հարցն՝ ջեռարուք, ասէ, և մի ամաչէք.

- 1 Օրինակ մի խաւարչտար:
- 2 Օրինակ մի շան պարճառոյ:
- 3 Օրինակ մի մարգարտայ պսակն:
- 4 Օրինակ մի սպանուել էր:

և տունքդ այդոքիկ՝ գերեզմանք ձեզ եղիցի շնորհիւ Պարսից արքային :

Եւ բորբոքեալ բոցն ճարպովն, մինչ զի քաղաքն արբեալ լինէր ՚ի հոտ ճենճերաց նոցա : Եւ ինքն ժողովեալ զկապուտ նոցա և զգանձս, և ետ տանել յամուրն Ողկան. և զիշխանն Մուշեղ ետ ածել ՚ի քաղաքն. և ինքըն առեալ երեք հազար այր¹, գնաց ընդ առաջ վաչրայ : Եւ երթեալ ՚ի վերայ լերինն, ընդ երես դեհս² դարան գործեաց, և զդպիրն և զնուիրակն առաքեաց առ վաչիր անդ : Եւ նոքա երթեալ կոչեցին զնա, զի իջեալ էր յեզր Միայ³ ծովուն : Բայց նուիրակն և դպիրըն ինչ ոչ զիտէին յիրացն⁴, զի վահան ոչ ետ մօտիլ ՚ի զօրսն, այլ առանձին յետոյ գային : Եւ յորժամ ըզտաճարն այրեաց, զնոսա ՚ի պատճառս իրացն յայլ վայրս առաքեաց, զի մի գիտասցեն զիրսն. նա և զհանդերձս իշխանացն տեսեալ, կարծէին եթէ միհրանեանքըն են : Արդ իբրև գնացին, և զվահանայ ասացեալսն պատմեցին, որպէս թէ յերեսաց Միհրանայ, և առեալ վաչրայ հազար և հարեւր այր, եկն ՚ի վերայ լերինն : Եւ իբրև մօտեցան ՚ի տեղին, վաչիր արս հարեւր⁵ ՚ի բացեայ եթող վասն այլ թշնամեացն, և ինքն եկն եմուտ առ վահան ՚ի վրանն, կարծելով թէ Միհրան է : Իբրև ետես զնա վահան, և ասէ. վաչիր, զինչ եդիք ՚ի մօի. ՚ի պարսիկ հաւատ կամէիք դարձուցանել զերկիրս Հայոց : Եւ հրամայեաց դռնապանացն՝ արգելուլ զզօրսն ՚ի հեռուստ, և զվաչիր գանեաց սաստիկ, մինչև էառ բանից նշան զզօրսն կոչելոյ : Եւ նա ՚ի հարկէ ցաւոցն ետ բանից նիչ ՚ի զօրապետն և առ իշխանսն՝ գալ ՚ի տեղին փութով. և ետ գրել թուղթ պարսիկ դպրին, և կաշառեաց զի այնպէս գրեցէ, որ գայցեն զօրքն ՚ի վաղիւն : Ձի Յոյնք են ՚ի գալ ՚ի վերայ մեր, ասէ : Եւ տուեալ զմատանին վաչրայ, և թուղթ յայն զօ-

1 Օրինակ մի հազար այր :

2 Օրինակ մի կոյս :

3 Ի չորս օրինակս յեզր ծովան :

4 Օրինակ մի յաւելուլ զի զհանդերձսն իշխանացն քուտեալ էր՝ կարծէին թէ ինքեանք են. Բայց վահան ոչ ետ մօտել ՚ի նոսա :

5 Օրինակ մի յիսուսն այր :

ընն՝ որ հեռի կային, և դարձուցեալ կոչնականս զօրացն այլոց, և զիշխանսն մի մի կոչել տայր, և զգլուխսն կտրէր: Եւ ոչ իմացան այլ զօրքն, մինչև մի ոմն յիշխանացն փախեաւ և անկաւ ՚ի բանակն իւր:

Եւ իբրև գիտաց վահան՝ թէ յայտնի եղև իրքն, ազգարարեալ այնոցիկ՝ որք ՚ի դարանսն կային, և յարուցեալ նոցա ՚ի յետին կողմանէ՝ փախստական արարեալ զնոսա ՚ի բերդն կոյս կոթ ձորոյ ¹. և որ բուն յետինքն էին ՚ի դարանի անդ, չյարեան իսկ: Եւ արք բերդին ընդդէմ ելեալ, քարամբք և գլօք յանխնայ կոտորեցին զնոսա. և փախստականք եղեն արք հարեւր յԱպահուանիսն: Զոր տեսեալ դարանակալացն՝ յարեան ՚ի վերայ, և կալան զնոսա. և ապա ՚ի վաղիւն սկսան մեւս զօրքն Պարսից գալ ՚ի վերայ բլերն ՚ի նոյն տեղին: Իսկ վահանայ ընդ առաջ գնացեալ նոցա, իջոյց զնոսա, և ասէ. Թողէք զերիվարսդ, զի արածեսցին մինչև ցերեկոյ. և յերեկոյին իջանեմք ՚ի դաշտն ՚ի վերայ Յունացն: Եւ նոքա հաւանեալ, արարին այնպէս: Եւ դարանակալքն յանկարծակի զիմեալք, կտրեցին զերիվարս նոցա ՚ի զօրացն, և փախստական արարեալ անցուցին ընդ Արածանի, և հանին ՚ի Քարքէ ²: Իսկ զօրացն Պարսից տեսեալ, աղաղակեցին միաբան և ասեն. վայ մեզ, կորեաք: Եւ կոչեցաւ անուն տեղւոյն այնորիկ կորի ³:

Իսկ վահանայ առեալ զզօրսն, իջուցանէ զնոսա ՚ի ձորն բուն. յարեան դարանակալքն աստի և անտի, և առեալ զնոսա ՚ի մէջ կոտորեցին, ոչ ողորմելով ուրուք: Եւ հրամայեաց արս քառասուն թողուլ զրուցատարս Պարսից արքային: Եւ ետ տանել զգլուխն Միհրանայ առ թագաւորն Պարսից, ասելով. Այս մարգպանս Հայոց յորժամ եկն յերկիրս մեր, և զօրս հակառակեալ ընդ իրեարս՝ գունդ խնդրեցին, և ոչ կարացին գտանել. և Յոյնք մեր ⁴ թշնամիք էին, ՚ի նոսա ոչ իշխեցաք գնալ. և ձեզ ընդ ակամբ էաք, և ձեր զօրացն գունդ ոչ կայր. ապա կտրեցաք զգլուխդ զայդ, և խաղացաք: Այլ լուաք

1 Օրինակ մի ՚ի Բերդն կոյս ՚ի Յուր անդր:

2 Օրինակ մի ՚ի նոցին ընդ Արծնի, և հանեալ ՚ի Քարքէայ:

3 Օրինակ մի կորայ:

4 Յերիս օրինակս Յեր:

եթէ 'ի Շահաստանէ ելեալ էք 'ի Բոսոր¹ քաղաք՝ յերկիր տափարակ և դաշտաձև, և գիտեմ որ գնդի խաղայք. առէք զգլուխ քեռորդուոյդ ձերոյ, և եզիցի դաձեր գունդ ազգաց յազգս: Եւ իբրև գնացին արքն քառասուն, և տարան զգլուխն Միհրանայ առ արքայն խոսրով, և նա խռովեցաւ պղտորեցաւ, ամաչեաց զամօթն յաւիտենից: Եւ 'ի միւսում ամի խրոխտացեալ, այլ զօրս առաքեաց:

Ի նոյն ամի սուրբ կարապետն, որ յիննակնեան տեղիսն էր, փլաւ. զի շարժ խտագոյն եղև, վասն որոյ և տունք՝ որք 'ի ներքոյ նորա՝ 'ի շարժէ անտի փլան: Իսկ եկեղեցին, քանզի հիմն 'ի վերայ նորա էր, շարժեցաւ և պատառեցաւ. զոր Մուշեղ Տարօնոյ իշխանն, տուեալ գանձս բազումս, և հրամայեաց քարակոփս շինել: Բայց ոչ ժամանեցին շինել որպէս արժանն էր. զի զօրքն Պարսից նեղէին զնոսա: Ի սոյն ամի շինեաց Մուշեղ զսուրբ կարապետն, և ինքն վախճանեցաւ. և կայ 'ի թաղման առ Արժրունեաց իշխանին, 'ի կողմն արևելից ճակատուն:

Եւ յետ վախճանելոյն Մուշեղայ՝ նստաւ յաթոռ իշխանութեան նորա վահան, իշխանն մամիկոնէից տան: Զոր և բազում քահանայիւք և քսան եպիսկոպոսօք տօն ցնծութեան կատարեցին փրկական տեղեացն, ուր զհաւատան ունէին, և 'ի դուռն սրբոյ կարապետին, և 'ի վանս Գլակայ եպիսկոպոսին²: Եւ ութնտան գեւղս ազատեաց և ետ եկեղեցւոյն, ջնջեաց զանուանս նոցա յարքունի դիւանէն:

Ի նոյն ամին վախճանեցաւ երանելին Թողիկ, հայր վանացն Գլակայ. և կայ թաղեալ 'ի նոյն տեղւոյն, զոր Հայրբլուր կոչեն³. որ է ընդ աջմէ եկեղեցւոյն 'ի հիւսիսոյ ընդ արևելս⁴: Եւ նստաւ յաթոռ նորա մանկիկն Ստեփաննոս, որդի իշխանին Արժրունեաց, որոյ մայրն հերձաւ. և կան 'ի թաղման ծնօղք նորա 'ի նոյն վանսն: Եւ բազում ուղղութիւնս գործեաց 'ի գաւառն Տարօնոյ,

1 Յերկուս օրինակս Բասոր:

2 Յօրինակի միւսմ պակասէ եպիսկոպոսին:

3 Յօրինակի միւսմ չիք զոր Հայրբլուր կոչեն:

4 Յերիս օրինակս ընդ Աւեփեաց բլուրն էբլա ամն 'ի յիջի:

զի վերագոյն ունէին զնա քան զեպիսկոպոսն . զի հայր էր վանացն , և ընդ ձեռամբ իւրով ունէր երեքհարեւր իննսուներու թ կրօնաւորս . զի այնչափ առաքինի էր , որ ամենեքեան իբրև զթովաննէս կարապետն համարէին զնա :

Սա խնդրեաց 'ի սուրբ կարապետէն , կապել զբերանս գազանացն՝ որք բեկանէին զլուսաբերսն եկեղեցւոյն : Եւ բազում պարկեշտ վարուք իւրովք յանդիմանէր զիշխանն Հարքայ , որ ունէր զկին եղբօր իւրոյ . և ածեալ 'ի հաւան՝ կտրել 'ի կնոջէն , և արարեալ կրօնաւոր , ետ նմա շինել զեկեղեցին՝ որ 'ի թիլն աւանի յեկեղեաց դաւառի :

Գ Լ Ո Ի Խ Գ .

Վասն գալոյն Վախտանգայ 'ի Տարօն երեսուն հազարաւ , որ և շինեաց զՊորպ քաղաք և զամուրն զԳահար ¹ , և կոցեալ 'ի Գրգուռ ամս երեք :

Գարձեալ զօրաժողով եղև խոսարով արքայ 'ի վերայ Յունաց երկրորդ անգամ , 'ի մտի կալեալ զմահն Միհրանայ քեռորդոյն իւրոյ . և առաքեաց զՎախտանգ՝ զնորին հօրեղբայրն , երեսուն հազար ընտիր առն և ձիոյ : Իսկ նորա եկեալ 'ի դաւառն Սպահունեաց , արձակէր հարկապահանջս 'ի Հարք և 'ի Հաշտեանք և 'ի Տարօն : Առ որ գրեն գաւառապետքն . Եթէ վահան տայ , և մեք . ապա թէ ոչ , ունայն գնայք 'ի մէնջ : Չայսոսիկ լուեալ Վաղտանգայ , խրոխտացաւ և ըմբօստացաւ . և թողեալ կողմնապետ յՍպահունիս , և փքացեալ ալեօք եկն 'ի գլուխ Տարօնոյ : Եւ շինէ զաւերեալն Չիւնկերտ քաղաք մեծ . և փոխէ զանուն քաղաքին ըստ անուան կնոջն իւրոյ՝ զոր էած ընդ իւր՝ Պորպէս , այս ինքըն համեղ : Տնկեաց այգիս և բուրաստանս . և փոխէ զատրուշանն 'ի գուռնն կաթուղիկէին , զոր հիմնարկեալ էր սրբոյն Սահակայ : Եւ 'ի վերայ լերինն Տաւրոսի շինեաց ամրոց , և կոչեաց զանուն նորա Գարհար :

¹ Յօրինակի միւլում Գարհար , որպէս ի ստորև :

քանզի անդ ոմանք գահավէժ եղեն 'ի վերայ անասնոց , կարծելով թէ հեծեալք են : փոխէ զԳոռոզ լեռնաբլուրն , յանուն որդւոյն իւրոյ Գռէգուռոյ՝ Գռգուռ ¹ , զբօսանալով յամարան աւուրսն 'ի վերայ նորա : Եւ յղեաց պարգևս բազումս վահանայ , և թուղթս՝ զայս ինչ : Բաջ և հզօր բազկիդ վահանայ սկայի , դիցն օգնականութեամբ ողջոյն :

Որ թէպէտ և ընդ մահ եղբօրորդւոյն մերոյ արամեցաք , բայց ընդ հզօր քո իմաստութիւնդ զարմացաք : Արդ ես եկեալ եմ վասն սիրոյ և խաղաղութեան , և դու արի եկ առ իս , և երդուիր տալ զհարկ արքունի և կալ հնազանդ , և յառաջին պատիւն ձեր մնալ , և այլ ոչ մտանել 'ի նենգութիւն : Ողջ լեր 'ի դիցն աջոյ :

Եւ նա յղեաց նմա պատասխանի այսպէս .

Վատ և թոյլ անձինդ վախտանգայ , և խող քոյոց դասուց՝ ² որք զաղբս ճաշակեն , ողջոյն :

Այլ թէպէտ ընդ մահն Միհրանայ խնդացի , բայց ընդ անմտութիւնդ քո լացի . որ զմահն նորա լսեցեր , և զիմ կորովութիւնս ծանեար՝ զոր ինձ ետ աստուած ³ , զիմօրդ իշխեցեր գալ 'ի վերայ եկեղեցւոյն աստուծոյ : Այլ թէ սէր եկիր առնել , զկինդ 'ի հետ ընդէր ածեր . մի թէ որդի խնդրես յերանաց ⁴ մերոց . և եթէ սիրոյ պատճառանօք եկիր , զիմ՝ քաղաքդ էր շինեցեր և ամրոցս : Այլ զիտեմ զի սուտ ես , և իբրև զչուն քծնիս ⁵ : Արդ զկեանս քո առաջի մահու դիր , և յերկրէս արի ել և գնա խաղաղութեամբ . ապա թէ ոչ , զմահն՝ որ ընդ քեզ անցանելոց է՝ զայն ամենայն երկիր տեսանէ :

Եւ նորա բարկացեալ առաքեաց վեց հազար այր 'ի վերայ նորա 'ի Մուշ : Իսկ ոմանք ազդ արարին նմա , և ասեն՝ թէ գայ Ռահան 'ի վերայ քո վեց հազարաւ : Եւ նորա գիշերագնաց եղեալ , գնաց 'ի վերայ նոցա՝ որք իջևանեալք էին 'ի Մծմակն ⁶ , և յանկարծակի է-

1 Յերկուս օրինակս Գրգոռս , յայլու՞մ՝ Գգոռս :

2 Օրինակ մի խոչրաց դասուց :

3 Օրինակ մի չունի զոր եք ինչ աստուած :

4 Օրինակ մի յարանց :

5 Յերիս օրինակս իծկիս :

6 Յերկուս օրինակս գիշերագնաց եղեալ : Գնաց առ ասի՞ որ Մծմայ յոբան էր , որ իջեալն էին . յայլու՞մ՝ հասանէ նոցա 'ի Մմակն , որ իջեալ խային :

հար զնոսա սրով, և ոչ ժամանեցին ըմբռնել զերիվարսն: Քանզի որդի նորա Սմբատ ընդ մէջ անցեալ, կտրեաց չորեք հազար երիվարս. և անցուցանէր յայնկոյս Արածանոյ, և հանեալ 'ի կողմն Հաշտենից: Եւ երկերիւր ձի յառաջին յաղթութեանն աւարամասն ետուն եկեղեցւոյն 'ի Գլակայ վանսն, զի այն էր տուն նոցա հայրենական. և անդ կնքեցին զնա: Իսկ վահանայ տուեալ զնոսա մօրացն՝ զբազումս կոտորեաց, և զբազումս խոցոտեաց, և երկերիւր այր 'ի մօր անդր ընկըղմեաց:

Իշխանն ¹ Հաշտենից ունէր ընդ ձեռամբ իւրով երեք հազար վեցհարիւր այր, և իշխանն Պալունեաց երկու հազար և երկերիւր, և իշխանն Արջուց երեք հազար, և իշխանն Եղնուտայ ² հինգ հազար, և իշխանն վահան ութ հազար, և Սմբատ որդի նոցա վեց հազար. ընդ ամենայն քսանևութ հազար: Այս ամենայն զօրք կային ընդ ձեռամբ վահանայ. բայց բաժանեալ էր, և կողմնապահս թողեալ ամենայն տեղեացն. և կային առ ինքն յաւուր յայնմիկ երեք հազար այր: Եւ բազում նախճիրս գործեաց անդ իշխանն Հաշտենից. զի աճապարեալ կտրեաց զգլուխն Ռահանայ, և զզօրսն փախըստական դարձոյց: Եւ նեղեալ զնոսա, մինչև յաղաչանս անկեալ և հարկս խոստանային տալ նոցա: Իսկ վահան ասէ. Տուք 'ի մեզ զգլուխն Ռահանայ, և թողումք զձեզ: Եւ զօրքն 'ի բազում տարակուսանս լեալ խընդրէին, և ոչ գտանէին: Ապա կալեալ զորդի նորա զվահան, ետուն ցվահան: Իսկ իշխանն Հաշտենից յառաջ մատուցեալ, ասէ. կամ տուք զՌահան 'ի մեզ, կամ տուք երեսուն հազար դահեկան: Եւ նոքա ետուն երեսուն հազար դահեկան, և դարձան: Իբրև ետես վահան եթէ գնան ամբողջ, զնախանձն աստուծոյնախանձեալ՝ յարձակեցաւ 'ի վերայնոցա, և սկսաւ կոտորել զնոսա: Իսկ նոցա զաղաղակ բարձեալ, ասեն. Առ ինչ դարձայք 'ի պատերազմ, ո՞վ աւելախօսք: Եւ կոչեցաւ տեղին այն Առինչս: Եւ տարեալ ածեալ զնոսա 'ի դաշտին, կոտո-

1 Օրինակ մի յաւելու իսկ Գրգ որ ընդ վահանայ յեռամբ էին իշխանն...

2 Յերիս օրինակս Ողնուտայ:

րած սաստիկ գործեցին . և որք փախեանն՝ էին պակաս քան զհինգհարիւր այր . որք երթեալ պատմեցին վախտանգայ : Իսկ նորա բարկացեալ, հրամայեաց զլիատել զնոսա՝ որք դարձանն . և ոչ մնաց ՚ի վեցհազարէն և ոչ մի :

Իսկ վախտանգայ ՚ի ցասումն բարկութեան շարժեալ վասն Ռահանայ, առաքեաց դարձեալ զԱսուր ՚ի վերայ ութ հազարաւ : Որք եկեալ բանակեցան յեզերս Մեղտայ, և արձակեցին առ վահան այսպէս . Ա՛յ չարաբարոյ գայլ վահան . մինչ զիտես եթէ ծառայելոց ես Արեաց արքային, ընդէր այդպէս յանդգնեալ անամօթիս : Արդ արի եկ առ մեզ, և լեր հարկատու . ապա թէ ոչ, մեռանիս որպէս զշուն : Եւ նորա լուեալ զայն, առեալ վեցհազար այր՝ գնաց ՚ի վերայ նոցա ինքն և որդին իւր Սմբատ : Իբրև կացին հանդէպ իրերաց, սկսաւ Ասուր թշնամանել զվահան, և գայլ կոչէր նմա : Եւ նա ասէ . Յիրաւի է անունդ ինձ . քանզի դամ կուտորեմ, երթամ և այլ դամ : Եւ սկսան մարտնչել ընդ միմեանս :

Իբրև խմբեցաւ պատերազմն, ակն կալաւ ¹ Սմբատ որդին վահանայ ՚ի վերայ Ասուրայ, և պատահեցաւ նմա : Իսկ Ասուր տեսեալ՝ եթէ պատանի է, քամահեաց զնա, և ասէ . Քարապաշտ հարձորդի, ՚ի բաց կաց, զի ՚ի պատերազմօղ արսն ելանեմ անցանեմ : Եւ նա ասէ . Որդի սատանայի, յիրաւի է անուն քո Ասուր . զի սուր քո չէ ինչ, և ՚ի մարտնչել ընդ մանկանն՝ ² ծանիցես ըզպարտութիւն քո : Եւ ածեալ զսուրն՝ կտրեաց զգլուխ երկվարի նորա, և զնա յերկիր ընկէց . և յարձակեալ էառ զգլուխն ՚ի նմանէ . և ՚ի վեր վերացուցեալ, ասէ . Փառք քեզ Քրիստոս և սուրբ կարապետ, որ յաղթեցեր հակառակորդիս : Եւ մինչ դեռ նա զայն ասէր, տասն այր պատեցին զվահան . որպէս որք զանտառան հատանեն, այնպէս յանխնայ կոփէին և նոքա : Եւ սկըսաւ պակասիլ վահան . և ձայն բարձեալ, ասէր . Ո՛ւր ես Սմբատ որդեակ, հասիր յօգն ծերոյս : Զի էր ամաց

¹ Օրինակ մի երէտու :

² Յիրիս օրինակս ընդ կորձին :

ութսուն և ութից : Իսկ նորա քաջաբար 'ի վերայ յար-
ձակեալ որպէս զարծիւ սրաթիչ, ասէր . Օգնեա մեզ
սուրբ կարապետ : Եւ անդէն եհատ զգլուխ որդւոյն Ա-
սուրայ, և ընդ մէջ ճեղքեալ՝ հանդերձ թիկամքն աջոյ
'ի բաց ընկենոյր : Եւ զօրացեալ վահանայ, զվեց երի-
վարին գլուխսն կտրեաց . և մատնեաց տէր 'ի ձեռս նո-
ցա զզօրսն Պարսից, և փախստական արարին զնոսա
մինչև ցերեկոյն : Եւ 'ի յութ հազարէն երեք հազար
միայն գնացին առ վախտանգ : Եւ նորա լուռ եղեալ
մինչև ցմիւս ամն . և 'ի նոյն ամին վախճանեցաւ վա-
հան քաջն վրէժխնդիր 'ի վերայ եկեղեցւոյ¹, և ետ
տանել զինքն 'ի Գլակայ վանսն . և կայ 'ի թաղման 'ի
գուռն սրբոյ կարապետին, առաջի սեմոցն :

Իսկ 'ի միւսում ամի զօրս կազմեալ գումարեաց
վախտանգ քսան հազար, և առաքեաց առ Սմբատ,
եթէ կամ եկ՝ որ պատերազմիմք, և կամ հնազանդեաց
և տուր հարկս : Իսկ նորա ժողովեալ տանն հազար այր,
գնաց 'ի վերայ նորա յԱնդակ . և թողեալ զհինգ հա-
զարն 'ի բլերն, որ կոչեն Մահու ագարակ², և ինքն
գնաց հինգ հազարաւ ընդդէմ՝ նորա՝ 'ի գրգռել զնա :
Եւ առաքեաց վախտանգ տանն հազար այր 'ի վերայ
նորա, կարծելով թէ ինքն միայն է : Եկին զօրքն, և 'ի
գիշերի պատեցին զնա . և նա կամէր 'ի գիշերի ելանել
ընդդէմ, բայց արգելուին զնա քահանայք դրան նորա :
Իսկ նա ասէ . վստահ եմ յաստուած, թէ որովհետև
ծառայեալ եմք սրբոյ կարապետին միամտութեամբ,
թէ ոչ թողու զմեզ 'ի ձեռանէ : Եւ ել ջահիւք 'ի վերայ
զօրացն Պարսից . և յանկարծակի տեսին այր մի գիսա-
ւոր³, որ լոյս փայլէր 'ի հերաց նորա, և զաչս թշնա-
մեացն կուրացուցանէր : Զոր տեսեալ քաջին Սմբատայ,
ասէ ցզօրսն . Քաջալերեցարուք, որդեակք, և մի երկըն-
չիք . զի սուրբ կարապետն մեզ 'ի թիկունս հասեալ
կայ, և ընդ մեր՝ ինքն պատերազմի : Եւ մի ոք անհա-
ւատալի զիրան կարծիցէ . զի ինքեանք սկսան մարտնչիլ

1 Յօրինակի միում չիք + ոջն . . . եկեղեցւոյ :

2 Օրինակ մի Մահու ագր ուի :

3 Օրինակ մի հերաւոր :

ընդ միմեանս, և զմիմեանս սատակել. զի տէր պատե-
րազմէր ընդ նոսա¹: Եւ այնչափ կոտորեցին զնոսա,
մինչև հեղեղառք արեանց ելանէին. որ և թիլ կոչեցաւ
անուն տեղոյն այնորիկ²:

Եւ իբրև վճարեցին ՚ի կոտորելոյ զայնչափ բազմու-
թիւնն, երկերիւր այր համարով թողեալ զրուցարարս
այլոցն վասն առն՝ զոր տեսին ՚ի գիշերին, զի և թշնա-
միքն ևս տեսին, և ինքն յուղարկեաց զերիվարսն նո-
ցա ՚ի Մուշն աւան՝ առ որդին իւր, որ կոչէր ըստ պապ
անուանն³ վահան կամսարական, զի զհետեակս քա-
ղաքին հեծեալս արասցէ, և յուղարկեսցէ փութով: Եւ
նորա կազմեալ հեծեալս երկու հազար և հինգ հարեւր,
հանէ առ Սմբատ իշխանն⁴: Իսկ նորա խոյս տուեալ
աւուրս ութ, և պատրաստեաց զզօրս իւր. և յետ ութ
աւուրն եկն եհասա վախտանգն ՚ի դաշտ անդր, և առ
վաղիւն պատրաստեցան ՚ի պատերազմ⁵: Իսկ Սմբատ
կտրեաց ՚ի գիշերին երկու հազար այր հեծելոց, և ան-
ցոյց ՚ի տեղի թագստեան զպարսկէն յետուստ կողմա-
նէ⁶, և ՚ի բլերն յայս կողմանէ երեք հազար: Եւ յեր-
կու կողմանէն ռազմ՝ գաղտ կարգեաց. և ինքն զութ
հազար արսն բաժանեաց ՚ի վեց ռազմն: Եւ ընդ առա-
ւօտն կազմեցան. զի մի՛ զգաղտ դարանսն գիտացնն,
փութապէս ՚ի զիմի հարեալ՝ շարժեաց զնոսա ՚ի վե-
րայ իւր:

Իբրև ճակատեցան ՚ի պատերազմն ընդ իրեարս, զա-
ռաջինն յաղթահարեցին զՍմբատ: Իսկ նորա ՚ի բլուրն
ելեալ, ասէր. Ո՛ւր էք քաջք, յառաջ մատիք: Եւ յա-
մենայն կողմանց ՚ի վերայ յարձակեցան, և ՚ի մէջ ա-
ռին զզօրսն Պարսից. և խմբեցաւ պատերազմն ընդ ի-
րարս, մինչ զի ոչ գոյր հնար ճանաչել զմիմեանս, բայց
միայն ՚ի ձայն փողոցն և ՚ի տեսս դրօշացն: Իբրև ՚ի զի-

1 Օրինակ մի զի ինչեանս զիբեարս կոտորելին. զի քեզ ինքնին պատերազմեց
ընդ նոսա:

2 Օրինակ մի չուէի որ և թիւ... այնորիկ:

3 Օրինակ մի չուէի որ կուէր ըստ պապ անուանն:

4 Օրինակ մի հասին առ Սմբատ քաջ:

5 Օրինակ մի կազմեցին պատերազմ:

6 Օրինակ մի անցոյց զնոսա ՚ի քեզի Ռաֆսաի հեծելոցն յետուստ կողմանէ:

մի հարան վախտանգ և Սմբատ, ասէ վախտանգ. կաց հարճորդի. թէպէտ և զբազումս ջնջեցեր, սակայն այսօր չպրծնուա 'ի ձեռաց քաջ արանցս, որ գէշ գէշ պատառեն զձեզ սուսերք մեր: Եւ Սմբատ ընդ մէջ անցեալ, էհատ և կտրեաց զսունապանս բարձից նորա, և կարեվէր խոցոտեաց ¹, և մերձ տարաւ յընկենուլ ըզվախտանգ: Եւ նորա ձգեալ ² զտէգն, եհար զկուրծս նորա. և ցցեալ, 'ի ներքս ոչ կարաց անցուցանել: Եւ Սմբատայ ձայնս արձակեալ, ասէր. Սուրբ կարապետ, յայտնեա և այսօր զքեզ ծառայից քոց. զի վասն քո մեռանիմք 'ի վերայ հաւատացելոցս փրիստոսի: Եւ բախեալ տիգաւ 'ի թիկունս նորա, և անց ընդ զրահսն 'ի ներքս, և էհան ընդ սիրտ նորա: Եւ հանեալ զսուրն՝ կտրեաց զզլուխ նորա, և ոչ կարաց ունել. զի զբազում մարդկաւն վաղեաց զլուխն վախտանգայ ³:

Իսկ մի ոմն 'ի ծառայիցն նորա էառ զզլուխն նորա, և փախեաւ. և հասեալ Սմբատայ՝ եհար մրճովն 'ի վերայ գագաթանն, և գոգեաց զսաղաւարան, և զխոյն ոսկրն փոսեալ տեղի տայր սաղաւարտն մրճին Սմբատայ, և հազիւ կարաց հանել: Եւ նորա հանեալ ընկէց զզլուխն, և ինքն մեռաւ: Եւ մեւս այլ ծառայի առեալ զզլուխն փախեաւ. և Սմբատ զհետ մտեալ, ասէ. Պարսիկք, մի անմտանայք. զի մինչև յայս անկաւ վախտանգ, որ սրտացաւ ծառայքդ ⁴ զզլուխդ առեալ փախչիք. ապա զիտասջիք թէ ձեզ այդպէս պարտ է լինել: Եւ ձգեալ ծառային զզլուխն 'ի կուրծսն Սմբատայ, և ասէ. Տար խորովեա և կեր զդա. վայ ձեզ, որ այլ վաղ ոչ սպանէք: Եւ Սմբատայ առեալ զզլուխն, և զհետ մտեալ ծառային, ասէ. Ա՛յ տիրատեաց պարսիկ, ըզզլուխդ քո ընդէր ոչ փոխանակեցեր տեառն քո: Արդ որովհետև տիրատեաց էք, ես բառնամ զզլուխ քո 'ի քէն: Եւ եհար զնա տիգաւն 'ի սիրտն, և անցոյց զտէգն յայնկոյս. և ընկեցեալ յերիվարէն, կտրեաց զզլուխ

1 Օրինակ մի չուրի և կտրեվէր խոցոտեաց:

2 Յերկուս օրինակս իսկ նա զտէգն նգեալ:

3 Օրինակ մի չի զբազում մարդովք վաղեաց յայնկոյս էանց գլուխն:

4 Ի միւսմ օրինակի չիք որ սրտացաւ ծառայքդ:

նորա . և դարձաւ մեծաւ յաղթութեամբ¹ 'ի բլուրն :
Եւ զօրքն շուրջ պատեալ 'ի վայրին զպարսիկսն սպա-
նին . և ոչ մնացին 'ի նոցանէ , բայց այնքիկ՝ որք առ
ուղտուցն բանակքն էին արք շորեքհարեւր . զորս ոչ
հրամայեաց սպանանել , զի փախստականք էին . բայց
էառ 'ի նոցանէ հազար և քառասուն ուղտ , և ութհա-
զար ընդ ձի և ընդ շորի :

Եւ իբրև վճարեցաւ պատերազմն , հրամայեաց ծած-
կել զնոսա 'ի ձորս և 'ի հեղեղատա . և կոչեցաւ բլուրն
այն Մահու բլուր² : Եւ Սմբատ առեալ զզօրսն , պնաց
'ի վերայ քաղաքին Պորպայ 'ի զիշերի : Եւ մտեալ զօ-
րացն 'ի տունսն , զորս և գտին պարսիկս լեզուաւ՝ սա-
տակէին . և զքիթսն կտրեալ 'ի շարի արկանէին , և բե-
րէին առ Սմբատ : Եւ համարեալ զքիթսն , գտանէին
սպանեալ պարսիկք՝ ընդ այր և ընդ կին և ընդ ման-
կըտի՝ շորեք հազար³ :

Իսկ զորդին վախտանգայ և զկինն առեալ տարան
յԱյծից բերդն , զոր յառաջ Արծուխս կոչէին⁴ , 'ի պա-
հել զնոսա անդ : Եւ յղեալ առ Պարսից թագաւորն
Խոսրով , և ասէ . Տուր ինձ երկոտասան տարւոյ հարկ ,
որ զօրքդ քո զիմ՝ երկրիս զխօտն և զհացն կերան , և
զփայտսն այրեցին , և զլրոյ՝ զոր արբին զգինն , և զտա-
ճարացն զգինս՝ զոր իմ հայրն այրեաց վասն քո Գայլ
վահան . և դարձալ զսապոնի⁵ գինսն վաթսուն հա-
զար դահեկան , որ զքո զօրացն զգիշահոտ⁶ հալան և
զարիւնաթաթախ հանդերձսն լուանալ տուաք և ա-
գաք : Ապա թէ ոչ , գամ հարեւր մարդով 'ի վերայ քո ,
և զամենայն պարսիկս գերեալ 'ի Տարօն ածեմ , և 'ի
քո աստուածքդ շուն խառանեմ⁷ , որ փոխանակ զոցա
հաջն 'ի ձեզ : Արդ փութով , զոր ինչ ասացի քեզ , ար-

1 Օրինակ մի Խնդու-Նեամբ :

2 Օրինակ մի Մահու ագրակ :

3 Օրինակ մի սասն և շորս հազար :

4 Օրինակ մի շունի զոր յառաջ Արծուխս կոչէին :

5 Յերկուս օրինակս զսապոնի :

6 Օրինակ մի զգիշահոտ :

7 Օրինակ մի խառանեմ :

ձակեա , ապա թէ ոչ , տեսանես թէ զինչ անցք ան-
ցանեն ընդ ձեզ : Իսկ նորա լուեալ , ծաղր առնէր զՍըմ-
բատ . և ոչ գրեաց պատասխանի թղթոյն Սմբատայ :

Բայց եղբայրն վախտանգայ Սուրէն , առեալ հա-
րեւր հազար դահեկան ¹ , և իննհազար այր , եկն 'ի Տա-
րօն՝ գնել զկինն և զորդին վախտանգայ : Եւ ընդ ա-
ռաջ գնացեալ Սմբատայ , ընկալաւ զՍուրէն եղբայր
նորա սիրով , և էած 'ի Մուշ : Եւ կացեալ աւուրս տասն ,
խնդիր արար Սուրէն եղբորորդւոյ իւրոյ՝ թէ ուր է : Իսկ
նոքա ցուցին զբերդն՝ թէ անդ է . և նա ասէ . Անդ այժ-
արամ է թէ զիւարած : Եւ ծիծաղեալ Սմբատայ ընդ
աղի բանսն Սուրենայ , առաքեաց և ետ բերել զկինն և
զորդին առաջի իւր : Եւ իբրև ածին , ասէ Սուրէն . Իշ-
խան հզօր 'ի վերայ աշխարհիս Հայոց , տա՛ս զսոսա Պար-
սից արքային տուրս : Իշխանն ասէ . Պարսից արքային և
մեռեալ շուն մի ոչ տամ , որ ճաշ ուտէ՝ առանց գնոյ ,
թող թէ զգոսա : Բայց դու գնել թէ կամիս , քաջ տամ .
ապա թէ ոչ , գնացէք դուք երեքեանդ յԱրժրունիս այժ ²
արածեց՝ք , և բերդին ծառայութիւն արարէք , և զիմ
հացս կերայք աներախտիս :

Իսկ Սուրէն քանզի իմաստուն այր էր , ասէ . Ո՛վ բա-
րեպաշտ և հզօր իշխան , թէ և զշուն դարապասիդ քո ա-
րածել տայիր , դեռ պարծանս է մեզ՝ որ 'ի դրան քում
կայաք , թող թէ այժ արածել : Բայց թէ լսէք մեզ , ա-
ռէք 'ի մէնջ հարեւր հազար ³ դահեկան , և երկու հա-
զար ուղտ , և վեց պարսիկ ձի ⁴ . և մեզ տուրս տուք զայս
կինս և զմանուկս : Իշխանն ասէ . Չայդ՝ որ բերեալ ես ,
այդ մեր է . զի զքո գլուխդ կտրեմ , և զոր ունիս՝ յիս
առնում : Բայց թէ դոքա քեզ պիտոյ են , դու քրիս-
տոնեայ լ'ր և կնքեաց , և զիս առ և 'ի պարսիկս գնա ,
և դոքա քեզ . ապա թէ ոչ , ձեզ այլ հնար իմացէք ⁵ : Իսկ
Սուրէն բերեալ ետ զհարեւր հազար ⁶ դահեկանսն և

1 Օրինակ մի ինն հարեւր հազար :

2 Օրինակ մի այծեւր :

3 Օրինակ մի ինն հարեւր հազար :

4 Օրինակ մի ուղտ , և հինգ հարեւր յի :

5 Օրինակ մի այլ ճար իմացի :

6 Օրինակ մի չինն հարեւր հազար :

զուգտան և զձիան առաջի, և ասէ ցիշխանն. Աւագիկ է տուրսդ: Իսկ նա ասէ. Հաւանիմ արոցդ, բայց հարեւր և ութսուն հազար փայտ են տարեալ 'ի ֆարքէոյ, և չորեք հարեւր հազար դահեկանի խոտ են կերեալ 'ի դաշտէդ, և վաթսուն հազար դահեկանի՝ որ զեղն և զեղջերու և զնապաստակ երկրիս որսացեալ են և կերեալ. զջրոյ և զհացի գինն թողում: Բայց զանոյշ գինին Ասորոց ¹ և Սալնայ և զՄոխրայ այս երկու տարի է՝ որ յինէն կտրեալ էին, և ինքեանք արբին, զայն թող տան. և զվեց գաւառին հարկն՝ զոր առեալ են, և ըզքաղաքին մուտսն՝ զոր կերեալ են երեք հարեւր ² դահեկան, զայդ ամենայն թող բերեն. և դու քրիստոնեայ լեր, և զիս 'ի պարսիկս տար, և դոքա քեզ:

Տրտմեցաւ Սուրէն, և ոչ կարաց խօսել զերիս աւուրս: Եւ ապա արձակեաց իշխանն առ նա, և ասէ. Մի արամիր, զի ըստ քո կամացդ ³ առնեմ զամենայն ինչ. բայց արի անցանեմք յայնկոյս, և յուխտս երթամք 'ի վանս իմ, զոր շինեաց հայրն իմ: Եւ առեալ զՍուրէն անցին յայնկոյս Արածանոյ, և զկինն և զորդին 'ի հետ տարան: Բայց զի նենգել կամէր պարսկին, զկին և զորդին և զՎահան կամսարական ⁴ յայնկոյս թողեալ, զի որ 'ի նա անկցի՝ նա սպանցէ: Եւ ինքն թողեալ զզօրս իւր 'ի Մեղդի չորեք հազար այր, և զՊարսիցն յանդաստան վանացն՝ զոր Արտից գեւղն կոչեն, և առեալ չորեք հարեւր այր ընտիր զիւրեաւ ⁵, և չորեք հարեւր զնորայն, և զնացին երկոքեանն 'ի վանսն: Եւ իբրև եկին առ թագուցեալ խաչն ⁶, իլին յերիվարացն, և գնային հետեակ 'ի վանսն. քանզի չէր հնար ումեք երիվարաւ ընդ այն տեղոյն 'ի վեր անցանել: Նոյնպէս և յարևելից կուսէ ձորոյն 'ի ստորոտ զառ 'ի վերին մինչև յեկեղեցին չիչ-

1 Յերկուս օրինակս զԽառանայ գինին:

2 Օրինակ մի շրէր հարեւր հազար:

3 Օրինակ մի այս կամացդ:

4 Օրինակ մի շրէրին Վախագանայ, զի որ է Վահան անկցի է Պարսիցն՝ զնապաստան:

5 Օրինակ մի այր զիւրսն:

6 Օրինակ մի է Բախուցած խաչն:

խէր ոք գալ. զի թէ Տրդատ և սուրբն Գրիգոր ոչ իշխէին գալ անդ երիվարաւ, ապա ո՞վ այլ ոք¹:

Արդ իբրև մերձեցան 'ի վայրս վանացն, ընդ առաջ եկին պաշտօնեայքն, և արգելուին զնա վասն Սուրենայ: Իսկ Սմբատ բարկացեալ ասէր. Որովհետև պարսիկք այնպիսի պիղծք էք, որ և մայրեացն արժանի չէք, դուք և կենաց արժանի ընդէր էք: Եւ յարձակեալ 'ի վերայ նոցա վարազայ իշխանին Պալուենաց, և հարսով և կտրեաց զգլուխն Սուրենայ: Եւ զերկու իշխանսն Պարսից կախեալ զժառոյն² խեղդեցին, և ինքեանք գարձան յերիվարսն. քանզի զօրք իշխանին Պալուենաց թագուցեալ էին 'ի բլուրն 'ի փոքր ամրոցին 'ի Մեծամօրին, արք երեքհարեւր, 'ի ներքոյ Անդակայ. և հեծեալ նոցա յերիվարսն, մինչև իջուցին 'ի Մեծամօր: Եւ որք 'ի գարանին էին, ընդդէմ եկին. և 'ի մէջ առեալ զայն չորեք հարեւր³ արսն կոտորեցին, և ինքեանք իջեալ յայլ զօրսն գնացին: Արդ այնք, որք յամրոցին Արտից գեղջն էին, 'ի զիշերին 'ի դուրս ելեալ իջին 'ի վերայ Պարսից. և կտրեալ զերիվարս նոցա աւելի քան զերկու հազար և հինգ հարեւր, և հանին 'ի Սրոց⁴ ձոր: Իսկ զօրացն Պարսից զհետ մտեալ զողոցն⁵, և հասեալ յայն տեղի՝ որ կոչի Գողոց աղբեւր, և դարձան 'ի վերայ նոցա ձիատարքն⁶, և հարին պարսաքարօք և աղեղամբք հինգհարեւր և քսան այր. և զերիվարսն առին և խառնեցին յայլսն, և եղեն երեք հազար ձի:

Իսկ ոմանք հետևակեալք ձորամուտք եղեն 'ի Պարսից զօրացն. և զնացին յանտառն, և անկան 'ի վերայ ձիագողոցն, և սկսան կոտորել: Իսկ որ աւագն էր 'ի ձիագողոցն, որոյ Արեմն⁷ կոչէին, դարձաւ ընդդէմ. և սուր հանեալ ինքն միայն պատերազմեցաւ, մինչև դարձան ընկերք նորա: Եւ իբրև նոքա դարձան՝ Սրեմ

1 Օրինակ մի ապա ոչ իշխէր յանդգնաբար երիվարաւ գալ յ'եկեղէցին:

2 Օրինակ մի զժառոն կախեալ:

3 Օրինակ մի հինգ հարեւր... առ այլ զօրսն:

4 Յերկուս օրինակս 'ի Սրենց ձորն. ի միւս այլ՝ Սրոց:

5 Օրինակ մի ձիագողոց:

6 Յերկուս օրինակս ձիագող:

7 Յերկուս օրինակս Սերեմ. որպէս և 'ի ստորև:

մեռաւ, զի հարին նետիւ 'ի սիրտ նորա. և թաղեցաւ 'ի նոյն ձորն, և կոչեցաւ անուն ձորոյն այնորիկ Սրեմա ձոր¹: Եւ ընկերքն քարիւ և նետիւ ընդդէմ դարձան, և սպանին զբազումս. և այլքն փախստական եղեալ՝ եկին ժողովեցան 'ի մի վայր, և իջեալ ճաշէին:

Իսկ ոմանք յՈղկանայ ելեալ գնացին որսոյ պատճառանօք երկերեւր և յիսուն այր: Իբրև տեսին՝ զի յանհոգս էին իջեալ պարսիկքն, զողաբար յարձակեցան 'ի վերայ, և ոչ ոք կարաց յերիվարն ելանել: այլ 'ի շուրջ եկեալ, և 'ի սեղան անգր սպանին հինգ հարեւր և ութ այր. և վասն որ անդ ժողովեալ սպանին, կոչեցաւ անուն տեղոյն ժողովս:

Եւ մինչ այս այսպէս զործեցաւ, Սմբատ և իշխանն Պալունեաց թագեան 'ի ձոր ուրեք: Եւ առաքեցին զոմն 'ի Մեղտի, թէ փութացէք զալ 'ի վերայ դոցա. և ինքեանք առաքեցին արս հարեւր, գրգռել զզօրսն Պարսից: Զոր տեսեալ զօրացն, գրոհ տուեալ² զհետ՝ մի մի հասանէին: Իբրև եկին զօրքն առ Սմբատ, ասեն. Տուք զձեզ 'ի բլուրն, զի տեղին աջող³ է պատերազմի. և անձնապահ լիք, մինչև մեր զօրն հասանէ: Եւ նոցա 'ի բլուրն ելեալ, և զօրացն Պարսից բազմացեալ⁴ 'ի վերայ Սմբատոյ և վարազայ, և նոցա կրկնեալ ծունր աստուծոյ յօգնութիւն կոչելով զսուրբ կարապետն. Յիշեա, ասեն, զերախտիս մեր. և որպէս 'ի հեռուստ օգնեցեր, 'ի մօտոյս մի վերջանար 'ի մէնջ: Եւ եհաս 'ի թիկունս օգնականութիւնն աստուծոյ:

Եւ փողոց տուեալ 'ի վերայ բլերն, Սմբատայ յաջ թեն, և վարազայ յահեակն, և սկսան արեամբ թաթաւել⁵ ինքեանք և երիվարք իւրեանց: Եւ մածեալ սուրն 'ի ձեռին Սմբատայ, և ոչ կարաց հանել. քանզի մածեալ արիւնն ընդ սուրն և ընդ ձեռնատեղին, և կոտորեցաւ⁶: Եւ իբրև տեսին պարսիկքն՝ եթէ ոչ կա-

1 Յերկուս օրինակս Սերէմայր:

2 Օրինակ մի դուռն էր ասն:

3 Օրինակ մի աջողակ է:

4 Օրինակ մի բազմանալ:

5 Օրինակ մի լաւալաւել:

6 Օրինակ մի և ոչ կարաց հանել՝ զի իրարեալ եր ի բռանն:

րաց առնուլ այլ սուր, ձայն տուեալ ասէին ցմիմեանս. փութասլիք, զի մածեալ է ձեռն քաջին, և կապեաց զնա աստուածն իւր, և սուրն՝ ի ձեռին կոտորեալ է. եւ պատեցին զնա բազումք. և իբրև զփայա չոր, որ ՚ի ճեղքիլն ճարճատէ, այնպէս ճարճատէին ՚ի վերայ գլխոյն Սմբատայ զէնք¹: Իսկ նա բարձր ձայնիւ ասէր. վայ քաջութեանդ ձերոյ, զի ոչ կարացիք հերձուլ զգլուխ իմ: Զայս ասաց, զի յիշելիք լիցի բանն: Բայց իբրև զիտաց՝ եթէ կարի սաստկացան ՚ի վերայ նորա, ձայն բարձեալ ասէ. Ո՛ւր ես բազուկ քաջ, և մուրճ հզօր ընդդէմ թշնամեաց, գաւազան իմոյ ծերութեանս, իշխան Պալուսեաց. յառաջ մատիւր որպէս քաջ արծուի, զի անգեղք և բուէճք պատեցին զիս: Եւ նորա թողեալ զահեակ թէն յորդին իւր վահան, որ զվահանովիտն շինեաց, և ինքն քաջաբար որպէս զարծուի՝ կանչեալ դիմեաց ՚ի վերայ: Որ և ՚ի զողման հարեալ ամենայն երիվարացն, և հասեալ ՚ի թիկունս Սմբատայ, և բախեալ զտէգն ՚ի վերայ պարսկին թիկանն², և անդէն եհան ընդ ողն երիվարին. և այլ ոչ ժամանեաց հանել զտէգն: Զոր ծաղր արարեալ, ասէր. Երթ չափեա զտէգդ՝ թէ քանի կանգուն է. մի ոք սուտ ասէ՝ թէ երեք զիրկ է, և խաբէ զքեզ: Եւ անդէն մեռաւ:

Իսկ Սմբատայ ելեալ յեզր պատերազմին, և ձախ ձեռամբ պրկեաց պարսիկ մի, և ետ զենուլ ՚ի վերայ ձեռինն և սրոյն, զի իջցէ ջերմ արիւնն և թուլացուցէ զբռնատեղն³: Եւ փոխեալ այլ սուր, և ելեալ յերիվարն. և իբրև հեծաւ, ետես զի հազար⁴ այր պատեցին զնա կրկին, և ՚ի մէջ առեալ զհինգ հարեւրսն: Եւ իբրև զիտացին՝ եթէ կացեալ են երիվարքն, էհար պարսիկ մի և ընկէց, և զերիվարն առեալ մատոյց վարազայ իշխանին, և ասէ. Էջ և հեծիր իշխան Պալուսեաց: Իսկ նորա փոխեալ զտանն, նստաւ ՚ի վերայ նորա. զոր տեսեալ զօրացն՝ զարմացան. և այսպէս արարեալ ՚ի մէջ

1 Օրինակ մի ՚ի ճեղքելն՝ ճարճապէին ՚ի վերայ Սմբատայ:

2 Օրինակ մի ՚ի վերայ Ռիկան Ռոյն:

3 Օրինակ մի սրոյն, և թուլացաւ ստարն. և փոխեաց այլ սուր:

4 Օրինակ մի վեց հազար այր . . . և ՚ի մէջ տուին:

ահաւոր պատերազմին¹ փոխեցին զերիվարս իւրեանց: Ջի որչափ և զօրքն բազմանային, նոքա յանհոգս լինէին 'ի մէջ նոցա. զի այնչափ կուտեցան 'ի վերայ, որ և տեղի չգտանէին՝ որ յեզր ելանէին:

Եւ իբրև սկսան ոմանք երկմտել 'ի զօրացն Սմբատայ, ըստ տեսչութեանն աստուծոյ տեսին զմեւս Սմբատ՝ զի գայր, որ էր իշխան Հաշտենից. և ածէր զՎահան կամ սարական զորդին Սմբատայ, և վեցհազար այր ընդ նմա: Չոր տեսեալ վարազ իշխանին, աղաղակեաց և ասէ. Քաջորդի վահան, ուր էիր՝ որ ոչ վաղ եկիր յօգնութիւն: Իսկ վահան ձայն բարձեալ, ասէր հանդերձ արտասուօք. Կայ այն տառապեալ հայրն իմ ծերունի, եթէ փոխեցաւ առ տէր 'ի հանգիստ: Իսկ Սմբատայ լուեալ, ասէր. Սուրբ կարապետն ինձ 'ի թիկունս հասեալ էր, և ես 'ի ձեռաց անօրինաց մեռանէի: Իսկ նորա գոհացեալ զաստուծոյ, և 'ի զիմի հարեալ՝ կտրեցին փողոց, անցին 'ի ներքս. և պարզեցին զմի թևն նա, և զմիւսն իշխանն Հաշտենից Սմբատ. և յինքեանս առեալ զպատերազմն, սկսան կոտորել զպատերազմազուխսն²: Եւ 'ի վերայ շրջեալ, զմեւս թևն վահանայ բոլորեալ, 'ի մէջ առեալ զզօրսն Պարսից, կոտորեցին մինչև յերեկոյն:

Եւ իբրև 'ի մուտս եղև արևն, մնացին 'ի Պարսից չորեքարեւր այր³, որք ընդ միջոցն ելեալ փախեան. և քանզի մնացեալք էին երիվարք նոցա, երթեալ մտին 'ի ձոր մի, և թագեան ննջեցին խոյս առեալ⁴ մինչև 'ի մեւս աւուր հասարակն: Չոր եկեալ զօրացն գտին, և ջուր ցանեալ 'ի վերայ նոցա՝ զարթուցին, և առեալ տարան զնոսա 'ի Մեղտի. և կոչեցաւ տեղին այն թըմբրածոր: Իսկ Սմբատ հրամայեաց զղիակունսն կուտել 'ի վերայ իրերաց 'ի բլուրն. և վասն վարազայ կոտորածին՝ կոչեցաւ տեղին այն վարազաբլուր⁵: Եւ ին-

1 Օրինակ մի բազմաթիւեանն:

2 Օրինակ մի զգլուխ պարեհազմն:

3 Օրինակ մի հինգ հարեւր այր:

4 Յերկուս օրինակս խոյսբեալ: Իսկ 'ի միւս՝ խոյս գոռեալ:

5 Ի միում և եթ օրինակի վարազաբլուր:

քեանք եկեալ իջաւանեցան 'ի վանաց գեւղն, զոր կոչեն Կենաց վայրք. և իբրև մտին 'ի գեւղն, ընդ առաջ եղեն նոցա պարաւորքն և երգս առեալ բազում ինչ իրաց՝ գովէին : Որ և յետոյ 'ի հոտել դիականցն և յորգնել¹, չէր հանեալ՝ ասէին :

Կերան գազանք² զմարմինս դիականցն վարազայ, և զիրացան : Կուզ կերեալ, ուռաւ³ որպէս զարջ. և ազուէս հպարտ եղև քան զառեւծ : Գայլ, քանզի շատակեր էր, պայթեաց. և արջ, քանզի զոր ուտէն՝ շմայ առինքն, 'ի սովոյ մեռաւ : Անգեղք, քանզի ազահք էին, նստան և այլ ոչ կարացին վերանալ. մկունք, քանզի շատ կրեցին 'ի ծակսն, ոտքն⁴ մաշեցան :

Ջայս ամենայն ասացին, և 'ի դէպ էր վասն իրացն. որ և կոչեցաւ անուն գեղջն Շիրականիք⁵ :

Իսկ զարսն՝ որ 'ի Մեղտի տարան՝ բժշկեալ 'ի ցաւոց վիրացն, և ետ նոցա գանձս և երիվարս և զէնս. և յղեաց զնոսս 'ի պարսիկս⁶ : Եւ ինքեանք ելեալք 'ի տէրունական տունն, ընծայս բազումս մատուցին աստուծոյ 'ի սուրբ կարապետն, և ցնծութեամբ դարձան 'ի տունս իւրեանց :

Եւ 'ի սոյն աւուրս վախճանեցաւ երանելին Ստեփաննոս, և կայ առ այլ հարսն 'ի Հայրաբլուրն : Եւ առեալ վահանայ զեպիսկոպոսունսն⁷ մամիկոնենից և զՊալունենաց և զՀաշտենից, և եկն 'ի վանսն Գլակայ. և ձեռնադրեցին հայր վանայն զԵպիփան, որ 'ի Դունայ դաշտէն էր եկեալ⁸ յանապատ, և բնակեալ 'ի վայրսն եկեղեցւոյն : Սա եկաց քսաներորդ երկրորդ⁹ զկնի Ստեփաննոսի. և կացեալ 'ի վանականութեանն ամս քսան, և զնաց 'ի ժողովն՝ զոր արար Հերակլ յինն և

1 Օրինակ մի որդնեալ զայս 'ի Դեպ ածեալ շէր ասային :

2 Օրինակ մի գայլ :

3 Օրինակ մի ուռեա :

4 Օրինակ մի ոտքն :

5 Օրինակ մի կուէցա քեղոյն այնորի Շիրենի :

6 Օրինակ մի յղեաց զբողոքարս Պարսից :

7 Օրինակ մի զեպիսկոպոսն :

8 Օրինակ մի 'ի Դունայ քանէն էր եկել :

9 Յերիս օրինակս քսաներորդ :

'ի տասն ամի թագաւորութեան իւրոյ¹, և նզովեցին զամենայն հերետիկոսունս. և եպիսկոպոսն Հաշտենից հալածական լինէր յերկիրն Յունաց²:

ԳԼՈՒԽ ԶՈՐՐՈՐԴ ՊԱՏՃԵՆԻՆ

Վասն գալոյն Տիգրանայ, և հոտորածին՝ որ 'ի Հոնընկէցն:

Դարձեալ այլ զոր առաքեաց խոսրով՝ի վերայ ապրստամբ տոնն մամիկոնենից, զՏիգրան զօրապետն մեծ՝ քսան հազարաւ: Իբրև եկին յԱպահունիս, կոչեաց զՍմբատ առ ինքն. իսկ նա յղեաց զորդին իւր զՎահան կամսարական, տեսանել թէ զինչ խնդրէ: Իբրև գնաց իմացաւ զիրսն, արձակեաց պատասխանի առ հայրն և ասէ. Սա բազում անգամ բարիս խոստանայ, և բազում անգամ չարիս. բայց խնդրէ զնշխարս Մուշեղայ իշխանին և զքո հօրն Վահանայ, և զկինն Վախթանգայ և զորդին՝ զոր սպանին՝ի պատերազմին Վարազայ³: Ապա թէ ոչ, գամ՝ի տեղին, ասէ, ուր հաւատք ձեր են. զայն բրեմ և աւերեմ, և կրակատուն առնեմ զեկեղեցիս ձեր, և զձեզ 'ի դուռն արքունի խաղացուցանեմ: Արդ զայս ասաց, և ինքն ընդ Հաշտեանս կամի գալ 'ի վերայ. այլ ես գնամ զհետ նորա. և դու ժողովեա զզօրս մեր, և գնա 'ի սուրբ կարապետն, աղաչեա զկրօնաւորսն՝ աղօթս առնել: Ողջ լեր 'ի տէր:

Իսկ Սմբատայ լուեալ զայս, առեալ զթուղթն՝ գնաց առաջի սրբոյ կարապետին. տարածեաց զձեռսն առաջի սրբոյ սեղանոյն, սկսաւ լալ և ասել. Զարթիր տէր, և զարթո զզօրութիւնս քո. տես⁴ տէր, մի լուեր տէր, և մի գաղարբր. քանզի կարի խրոխտացաւ թըշ-

1 Յերկուս օրինակս յինն ամիս իւրոյ:

2 Յայսմ վայրի անմիտքան են իրերաց օրինակք և աղաւաղեալ:

3 Յերիս օրինակս Վարազայ 'ի միւս այլ Վարազայ:

4 Օրինակ մի րեւեր:

նամին 'ի վերայ մեր, այլ կամքքո եղիցին . բայց սակայն աղաչեմք, յեշեա զՂանն մեր՝ որ 'ի վերայ քո վասն ուխտին սրբութեան մերոյ, որով փառաւորեսցի անուն քո սուրբ: Եւ զայս ասացեալ, ետ բերել երկոտասան թուր, և դնել առաջի բեմին մինչև պատարագ մատուցանէին . և ապա առեալ ասէ . Տէր, հաւատամք 'ի քեզ, թէ և այս սուրքս եղիցին խմոր այլ սուսերաց, և հրամանաւ քով յաղթեսցուք նոցա: Ո՛վ տէր, նեղեցաք ձանձրացաք 'ի կոտորելոյ անգամ զանօրէնսն . նեղեցան և որք զսուսերս մեր 'ի ժանկոյ և յարեանցն սրբեցին ¹ . այլ յուսումք՝ թէ որպէս արարերդ, և առնես:

Եւ ելեալ գնաց ժողովել զզօրսն, իննհազար իննհարեր և քառասուն այր ² . և երթեալ էջ 'ի Հաշտեանս, 'ի գեւղն՝ որ Գիրեհն ³ կոչեն, 'ի ջրառատ վայրսն: Եւ Տիգրան ⁴ եկեալ 'ի Հոնրնկէցն իջանէր . և առաքեաց առ Սմբատ, և ասէ . Սրի եկ առ իս, և մի երկնչիր, և առ յինէն գանձս և մեծութիւնս, և եղից պսակ 'ի զլուխքո, և արարից զքեզ մարզպան Հայոց, միայն լոկ զօսկերսն Մուշեղայ և զվահանայ տուր ցիս: Իսկ նորակալեալ զպատգամաւորսն, հրացոյց շամփուր մի . երկաթի, և եդ պսակ շուրջ զճակատոյն, և ասէ . Կաց ⁵ տեսանեմ՝ թէ վասն քո զինչ պարզես զայցէ ինձ, որ ես քեզ պսակ եդի: Եւ հրամայեաց ունել զամենայն արսն՝ որ ընդ նմայն էին եկեալ, և կտրեաց զզլուխս նոցա մինչև ցվեց ժամ աւուրն ⁶ . և կոչեցաւ տեղին այն Մոգուց գերեզման, որ է Մոկկուենս ⁷:

Իսկ Սմբատայ ելեալ 'ի վերայ լերինն, որ Սրեմավայրըս ⁸ ասեն, բանակեցաւ հանդէպ Տիգրանայ: Եւ իբրև երեկոյ եղև, վահան կամսարական որդին Սմբատայ

1 Օրինակ մի նեղեցան և սասերք մեր ի ժանկոյ արեանն:

2 Օրինակ մի քսան հազար:

3 Յերլս օրինակս Արեհն:

4 Օրինակ մի յաւելու զօրօք իւրօվս:

5 Օրինակ մի թող փեսանէմ:

6 Օրինակ մի յաւելու և արբեալ այնպէս՝ յգեղին գլուխս հինգ ի Տօրանդ:

7 Յերիս օրինակս Մոգոսանս:

8 Յերիս օրինակս Սերեմավայրք: Ի միում օրինակի զոր Սրեմայ վայրսն ասեն:

յարուցեալ կտրեաց զզլուխ որդւոյն Տիգրանայ և զերից իշխանացն, զի էին 'ի միում խորանի. և առեալ զզլուխ նոցա, եկն առ հայրն իւր, և դարձեալ եկն 'ի նոյն տեղին. և գնացեալ գաղտութեամբ¹ եմուտ ընդ ստորոտ խորանին առ Տիգրան: Իսկ նորա տեսեալ զսուսերն մերկ 'ի ձեռին նորա, ոչ իշխեաց ումեք ձայն տալ. կարծեաց թէ զկարասին կամի գողանալ: Իսկ վահանայ յանկարծակի առեալ բարձ մի, աճապարեաց և նգեաց² 'ի վերայ բերանոյ նորա, և հարաւ 'ի վերայ նորա. և մտեալ մեւս այլ ծառային վահանայ կտրեաց զզլուխ նորա, և ժողովեալ զկարասին և զպատուական ակունան և զընտիր սուսերսն³, ել գնաց: Եւ խնդացեալ զօրացն հայոց, մեծ գոհութիւն աստուծոյ մատուցանէին. և ապաշաւեցին, զի զգերեզմանս իշխանացն աւերեցին⁴:

Իսկ վահանայ լցեալ իմաստութեամբ, առեալ երկերեւր կաշեայ ասպար, և արկ զհարեւր ջորեօք ամեհեօք, երկաթ մի յայս կոյս ասպարին, և երկաթ մի յայն. և գնաց մերձ 'ի բանակն Հոնին՝ որ փոխանակ էր Տիգրանայ, և ունէր ընդ ձեռամբ իւրով ութ հազար այր, և բանակեալ էր մերձ 'ի քարազլուխն՝ որ հայի հանդէպ Տարօնոյ լերինն⁵. և էր սա զատակաց⁶ յայլոց բանակացն. արդ առեալ վահանայ զհարեւր ամեհի⁷ ջորիսն, և տարաւ զնոսա յեզր բանակին. և 'ի տասն ջորիսն այր մի՝ որ զհետ երթայր: Եւ իբրև խթեցին զջորիսն սրով և արկին 'ի բանակն, և ինքեանք զհետ մտեալ՝ զփող պատերազմին հնչեցուցին, և առ ձեռն սկսան կոտորել. և կանչեալ զարհուրեցան ժպրըհեցան⁸, և աղմկեցան յոյժ: Քանզի և ջորիքն ընդ ձայն ասպարացն, և ընդ զօրացն աղմկել, և ընդ փո-

1 Յօրինակ միում գաղտութ, յայլում գաղտանք. և 'ի մեւս այլ գաղտութ:

2 Օրինակ մի աճապարեալ յգեաց ի վերայ նորա:

3 Օրինակ մի չունի զընտիր սուսերսն:

4 Օրինակ մի չունի և ապաշաւեցին... իշխանացն աւերեցին:

5 Յերիս օրինակս որ հանդէպ հայեր լերինն Տարսի:

6 Օրինակ մի զապական:

7 Օրինակ մի արմահի:

8 Օրինակ մի չունի ժպրհեցան:

զոցն բախեն խրտուցեալ, յամենայն կողմանց լոկ ար-
չաւէին 'ի բանակն: Եւ զօրքն կարծէին եթէ հեծեալ
է, և ձայն սուսերացն 'ի կոտորելացն է, իւրաքանչիւր
ոք լոկ վայ ճչէին, ոչ գիտելով զհետս անձանց. քանզի
տէր պատերազմէր ընդ նոսա:

Արդ քանզի այլ զօրքն¹ ոչ կարէին անցանել, զի էր
մութն, և մեր զօրքն լոկ սատակելով նեղէին, և զքա-
րագլուխն բնաւ չկարացին յիշել, զի յիմարեցոյց զնոսա
տէր, ապա թողեալ զկարասին՝ դէմ փախստի 'ի քա-
րագլուխն արարին. և սկսան 'ի վայր հոսել ահաւոր
վիմացն ընդ բարձրութեան²: Եւ ոչ ոք կարաց գիտել
զիրսն, մինչև պակասեցաւ ճիշտազգակին, և ապա դի-
տացին զօրքն Հայոց՝ թէ ընկղմեցան պարսիկքն. դար-
ձան ինքեանք 'ի բանակետղ, և զկարասին և զգանձն
ժողովեցին և զերիվարսն և զուղտան, և արձակեցին 'ի
գաւառն Պալունեաց: Եւ ընդ ձի և ընդ ջորի և ընդ
ուղտ և ընդ էջ՝ գտաւ ութ և տասն հազար, որ ծած-
կէր զերեսս գաւառին: Արդ իբրև առաւօտ եղև, սկսան
խնդիր առնել Տիգրանայ և որդւոյ նորա և ոչ գտին:
Ապա զհետ փախստէիցն մտեալ խնդրէին, և հայեցեալ
տեսին զնոսա գահավիժեալս³: Ապա միաբանեալ ա-
րարին իւրեանց իշխան զՄիհրխոսորով. և բարկութեամբ
լցեալ, ռազմ կարգեցին:

Իսկ Սմբատ զՎահան կողմնապահ էր թողեալ 'ի
գիշերին չորեքհազարաւ. և երկու հազար 'ի դարանի
կացուցեալ ընդ երկուս գեհս: Եւ ինքն զայլ զօրսն
ռազմ կարգեաց, և ետ զաջ թևն վարազայ իշխանին
Պալունեաց. զի այնչափ հզօր էր, որ մարդոյն քան
զմինն այլ ոչ կրկնէր: Եւ զահեակ թևն տայր իշխանին
Հաշտենից, և ինքն թողու իւր թիկնապահ զՎարազայ⁴
որդին զՎահան⁵:

Եւ գումարեցան ընդդէմ միմեանց, և եկին առ մի-
մեանս Միհրխոսորով և Սմբատ, և սկսան հարկանել

1 Օրինակ մի յայլ զօրքն:

2 Օրինակ մի է վայր ընտել ընդ Կարագլուխն:

3 Օրինակ մի մեռեալս:

4 Յերիս օրինակս զՎարազայայ որդին:

5 Օրինակ մի է ի Ռիկունս Ռոզոս զՎահան զՎարազայ որդին:

զգլուխս իրերաց: Եւ դիմեաց զօրն Պարսից 'ի վերայ Սմբատայ իբրև զմեղու, և սկսաւ պակասել Սմբատ, քանզի այր ծերացեալ էր. ձայն բարձեալ ասէր. Ո՛ւր ես վահան որդեակ, հասիր: Եւ նորա ձայն արկեալ 'ի սուրբ Արապետն, ասէր. Ահա ժամ¹, ո՛վ Մկրտիչ Քրիստոսի կարապետ Յովաննէս. ո՛ւր են իմ սուրբ կըրօնաւորացի՛ աղօթքն: Եւ մտեալ յազմն, ցրուեաց զժովովեալն 'ի վերայ հօրն իւրոյ. և Սմբատայ ոգի առեալ, ածեալ զսուրն և եհար զուսն, և թիկնախառն 'ի վայր ընկէց զզլուխ աւագի նոցա. և սուր 'ի վերայ եղեալ փախստական արարին, մինչև 'ի դարանսն: Իսկ դարանակալքն յարուցեալ, 'ի մէջ առին զնոսա. և բազմաց կորուստ եղև այն օրն, և չորեք հազար զլուխ համարով ընկեցին ընդ քարն, որ կոչեցաւ Հոնընկէց²: Եւ ժամանեաց նոցա երեկոյ, և զօրքն Պարսից փախըստական եղեալ իջին 'ի Հաշտեանս ութ հազար այր. և անդ հանդէս արարեալ զօրացն, և կոչեցաւ անուն տեղւոյն այնորիկ Հանդիսեանք. և խաբանօք կամէին գնալ յԱպահունիս:

Իսկ Սմբատայ իմացեալ եթէ գնացին, յարուցեալ մտին զհետ նոցա, և 'ի վաղիւն հասին: Եւ իբրև բանակեցան առ իրերօք, խորհեցան սոքա գնալ 'ի վերայ Պարսիցն, և կազմեցան առ երիկունն³: Եւ դեռ սոքա յայս էին, եկին հասին զօրք յԱպահունեաց իբր երեք հազար. և տեսին զօրքն Հայոց՝ զի խառնեցան 'ի պարսիկս զօրքն Ապահունեաց, լքան և յերկիր կործանեցան. և հնարս իմացեալ, ընդ Մարկուց⁴ փոզն 'ի վայր գնացին յեզր Արածանոյ, և անդ բանակեցան: Իսկ պարսիկքն յարուցեալ զհետ մտին նոցա, և տուեալ գետոյն՝ նեղէին զնոսա: Իսկ Սմբատայ զամենայն զյոյսն իւր յաստուած արարեալ, ասէ. Ո՛վ տէր, գիտեմ՝ զմարդասիրութիւն քո առ մեզ զվաղընջուց. և այժմ տես զմեզ, զի աստի թշնամիքն, և անտի գետն. և արդ

1 Օրինակ մի ժամ օգնականի, ուր են իմ:

2 Օրինակ մի չուռի որ իւրեցաւ Հոնընկէց:

3 Օրինակ մի իմէին առ երեկոյն:

4 Յերկուս օրինակս ընդ Մարտից փոչ: Ի միւս այլ Մարտից փոչ:

հայեաց 'ի մեզ, եթէ զիարդ թշնամիք նեղեն զմեզ¹,
 Եւ կնքեալ զանձինս իւրեանց, դիմեցին 'ի վերայ Պար-
 սիցն: Եւ երևեցաւ նոցա 'ի պատերազմին այր մի ահեղ
 և լուսաւոր, և հեր նորա լոյս փայլատակէր²: Չոր տե-
 սեալ վահանայ քաջի, և գիտացեալ՝ թէ կարապետն
 է՞, խնդացեալ յարձակեցաւ 'ի վերայ նոցա. և կտրեալ
 զզօրսն երեքհազար, և եղեալ առաջի և տարաւ ան-
 ցոյց ընդ Աստղօնս, և պատեալ իջոյց զնոսս մինչև հան-
 դէպ եկեղեցւոյն⁴, որք կամէին ելանել 'ի նոյն տեղին,
 և զկրօնաւորսն սպանանել: Իսկ զօրութիւն տեառն
 արգել զնոսս, և ոչ կարէին անցանել ընդ ձորն, յետս
 զգետնի դիպելով, զոր սովորեցան Յետասանկ⁵ կոչել
 տեղոյն:

Իսկ զօրքն եկեալ հասին յանտառն, որ հանդէպ
 վանացն հայի. և անդ թագեան: Իսկ վահանայ աճա-
 պարեալ զնայ անդ, և սուր 'ի վերայ եղեալ՝ կոտորէր
 զնոսս. և ոչ մնաց յիշատակ անգամ, և կոչեցաւ տեղին
 այն՝ Մահու առիթ: Եւ խիստ վաստակեցաւ Սմբատ
 յաւուրն յայնմիկ. բայց 'ի թիկունս եհաս նմա վարազ
 իշխանն Պալունեաց, և առաջի եղեալ զզօրսն գետավէժ-
 առնէին, մինչև եկին 'ի տեղին՝ զոր այժմ կուրայ⁶ կո-
 չեն: Եւ որք 'ի փախուստն երթային, կացին երիվարքն
 նոցա. և Պալունեաց իշխանն բազում զօրօք զհետ մը-
 տեալ, կոտորէին: Եւ իբրև անդ եկին, ասէ վարազ
 ցպարսիկսն. Ձի սպառեցաք, փախիք՝ որ մեք կոտո-
 րեմք: Եւ նոքա ասեն. կորեաք մեք և մեռաք: Եւ կոչե-
 ցաւ անուն տեղոյն կուրայ. և 'ի նոյն տեղոյն սկը-
 սաւ մի մի ունել զնոսս, և զթլփատան կտրեաց. և էին
 համարով հազար վեցհարեւր և ութսուն: Իսկ այլք
 մտեալք 'ի գետն խեղդեցան արք երկու հազար:

Իսկ զոր Սմբատ կոտորեաց, գունդն այն անցեալ

1 Օրինակ մի չունի և արդ հայեաց . . . որ նեղեն զմեզ:

2 Օրինակ մի և հերք նորա որպէս լոյս փայլատակեալ:

3 Օրինակ մի չունի և գիտացեալ թէ կարապետն է:

4 Օրինակ մի հանդէպ իննսինեան տեղոյն.

5 Ի մուամ օրինակի Յեփանգ. յայլուամ Աջօսն. և 'ի միւսուամ
 Աջփան:

6 Յերկուս օրինակս կուրան:

յայնկոյս ընդ Հովեանս 'ի վերայ փախստականացն ընդ լեառն, իսկ արք ամրոցին ելեալ զկնի՝ նետիւք և պարսաքարամբք և զլօք կոտորեցին արս երկու հազար և ութհարեւր: Եւ որք ապրեցան՝ էին արք հազար և քառասուն. որք փախուցեալք գնացին 'ի պարսիկս առ Խոսրով: Եւ նա այլ զօրս առաքեաց 'ի Տարօն:

Ի սոյն ամի վախճանեցաւ Սմբատ, և ետ տանել զինքն 'ի տապանատուն հարցն իւրոց 'ի վանսն Գլակայ. և կայ 'ի դուռն սրբոյն Ստեփաննոսի, զոր շինեաց Ստեփաննոսն այն՝ որոյ մայրն հերձաւ, և եդ 'ի նշխարաց սրբոյն Ստեփաննոսի անյայտս զձախ բոյթ ոտին սրբոյ նախավկային: Եւ 'ի նոյն ամի փոխմանն Սմբատայ՝ փոխեցաւ հայրն Եպիփան առ աստուած յետ քսան ամի. և նստաւ յաթոռ նորա Դաւիթ ամս երիս, որ է քսան և երրորդ 'ի սրբոյն Գրիգորէ: Ի սոյն աւուրս կնքեցաւ վահանայ որդին Տիրան 'ի վանս Գլակայ 'ի սուրբ Կարապետն, 'ի հայրապետութեանն Դաւթի:

ՊԱՏՃԷՆ ՀԻՆԳԵՐՈՐԴ

Վասն գալոյն Վարդուհրայ, և մեռանելոյն 'ի Փանդիկաւ¹ յիսուն հազար արամբք յեզր Արածանոյ:

Եւ եղև յետ ութուտասն ամին, դարձեալ գժտութիւն² եղև ընդ պարսիկս և ընդ վահան. և առաքեաց Խոսրով զօրս 'ի վերայ Տարօնոյ, հինգ բեր և վեցհարեւր: Որք բազում սրտմտութեամբ եկեալ հասանէին 'ի Տարօն, և կամէին անցանել 'ի վանսն Գլակայ, զի հանցեն զոսկերս թշնամեացն. և եկեալ բանակեցաւ 'ի Մուշ: Իսկ վահան կոչեաց զորդին իւր զՏիրան քաջ, և ասէ. Որդեակ, մի վասն զի 'ի մեծութեան ես՝ պատրիս 'ի մեղաց, և մի վասն զի մանկիկ ես՝ խաբիր 'ի գեղկանանց. այլ յիշեա զքո հարսն, որքան սրբութեամբ

¹ Յերկուս օրինակս Փադիկաւ. և 'ի միւսն Փանդիկ:

² Յերկուս օրինակս Դժբոմիսն:

և ամբժութեամբ ծառայեցին աստուծոյ : Մի մոռանար զծառայութիւն սրբոյ կարապետին, զի 'ի պատերազմունս նա էր՝ որ օգնէր մեզ . այլ եթէ շատակեաց կամիս լինել, 'ի պղծութենէ մի պատրիւր, որպէս և շես իսկ : Եւ եթէ ես մեռանիմ 'ի պատերազմին, զիս 'ի մեր վանսն տուր տանել : Եւ դու ծառայեա աստուծոյ և կրօնաւորաց նորա սրբութեամբ, որպէս և ես ծառայեցի . զի ոչ պատրեցայ 'ի գեղոյ, և ոչ զրկեցի և ոչ նեղեցի զտառապեալս . քանզի զամենեսեան՝ որք ընդ իմով իշխանութեամբ էին, զարս և զկանայս և զմանկտիս, զհաւատացեալս 'ի Քրիստոս, իբրև զեղբարս և զընտանիս տան իմոյ հոգայի խնամով որպէս հարքն իմ : Որդեակ, զնոյն և դու արասցես, և տէր զօրացուսցէ զքեզ : Արգանամբ 'ի պատերազմ :

Եւ գնացին 'ի պատերազմ . և արձակեցին առ հայրն Գրիգոր, որ քսանն հինգերորդն էր, և նստաւ յաթու հայրապետութեան ամս ութ . և տարան 'ի պատերազմ երեք հարեւր ութսուն հինգ կրօնաւոր կնկղով : Իբրև խմբեցաւ պատերազմն յեզերս Արածանոյ առ անտառովն որ կոչի կաղամախեաց¹ բլուր, կրօնաւորքն սևազգեստք էին մազիզինօք և կնկղաւորք, և ընդ տասն աւնն ժամահար մի, և ընդ երկուսն խաչադրօջ բարձրաբուն², և ճակատեցան նոքա ընդդէմ իրերաց 'ի պատերազմ՝ յայնկոյս գետոյն որ 'ի դաշտին . զոր տեսեալ թշնամիքն զարմանային : Եւ վարդուհրի ոչ եմուտ 'ի պատերազմ . այլ տեսից, ասէ, թէ նոքա զինչ գործեն : Եւ իբրև խմբեցաւ պատերազմ ընդ իրարս, և կամէին փախչել վահանեանքն, յայնժամ նոցա ծունր կրկնեալ՝ միաբան աղաղակեցին առ աստուած աղօթիւք և լի արտասուօք . Ո վ տէր, հար զմեր պատերազմն . ո՞վ կարապետ, զարթիր 'ի ձայն պաշտօնէիցս : Եւ զայս ասացեալ միաբան՝ յոտն կացին, և գնչան խաչին դարձուցանէին 'ի վերայ թշնամեացն . և հարին զժամահարսն յանդուգն :

1 Յերկուս օրինակս կախմուէաց . իսկ յերիսն կաղամանէաց :

2 Յերիս օրինակս և քսան կրօնաւորն ժամահար մի, նոյնպէս և յոսն խաչ մի նշանախա :

Եւ հայեցեալ վահանայ 'ի դուռնդ կրօնաւորացն, ետես յաջ թեւս նոցա երիտասարդ մի՝ ահագին տեսլեամբ, և թագ ծիրանի 'ի զլուխ նորա և խաչ, և 'ի հանդերձից նորա հուր փայլատակեալ: Եւ այլ երկուս երիտասարդական հասակաւ տեսանէր, որք առաջի կային թեւաւորք: Զոր և թշնամեացն տեսեալ՝ յիմարեցան, և 'ի գետ անդր լցան. և որք 'ի գետոյն յայն կոյս անցին, Մեղտայ ուշ արարին: Իսկ վահան ձայն տըւեալ յորդին իւր Տիրան և յայլ զօրսն, և ասէ. Ահա տէրն արարածոց ֆրիստոս երևի 'ի մէջ ծառայից իւրոց. զի նա է թագաւոր նոցա և մեր ամենեցուն, որ խոնարհեցաւ 'ի ձայն պաշտօնէից իւրոց, և էջ 'ի փրկել զնոսա և զմեզ. արդ պնդեսցուք զկնի թշնամեացն: Իսկ անօրինացն հասեալ 'ի Մեղտի, և գտին երկուտասան ծեր 'ի կրօնաւորացն, և սպանին զնոսա. որք թաղեալք կան 'ի դուռն եկեղեցւոյն, զի այն իսկ էր խնդրուածք նոցա:

Իսկ վահան մտեալ 'ի գեան, կապեաց զերիվարն 'ի վերայ ողինն հանդերձ զինաւն, և անց յայնկոյս 'ի գեւղն՝ զոր Պարսից գէմն¹ կոչեն: Եւ անդ ժողովեցան ամենայն զօրքն վահանայ. և կրօնաւորքն 'ի նոյն տեղւոյն աղօթէին մինչև եհաս առ նոսա հայրն, որ ունէր զգլուխն վարդուհրայ աւագի նոցա: Իսկ վահանայ վանեալ զզօրսն, և հասեալ 'ի դաշտն՝ որ 'ի վերայ Մատրավանիցն, և բողբեալ ռազմ՝ կանգնեցին: Եւ եկեալ առ միմեանս վարդուհրի, և Տիրան՝ որդին վահանայ, ասէ վարդուհրի. կախարդասարք, դուք 'ի կախարդսն էք պանծացեալ, և կախարդութեամբ կամիք յաղթել Պարսից քաջաց: Ասէ Տիրան. Եթէ կախարդք եմք՝ դու վայր մի անսա՝ զի ես զքո՞ ձիոյ ագիդ քեզ տեսանել տամ: Եւ աճապարեալ 'ի բաց ձգեաց զաջոյ ոտնն սունապանօքն հանդերձ. և նորա հակեալ յայնկոյս անկաւ: Ասէ Տիրան. վարդուհրի, մի մեղազրբր. գլուխդ հակեաց և ընկէց զքեզ. արդ ուզեմ՞ զբեռնդ: Եւ ապա բառնայ. և կտրեալ զգլուխն ետ ցճառայ մի, և ասէ. Պահեա զդա, որ իջանեմք 'ի Մատրավանս և գնդի խա-

¹ Յերիս օրինակս Պարսից կողմ:

դամք առաջի սուրբ կարապետին. զի դա էր, որ նախա-
տէր՝ զպաշտօնեայս նորա :

Եւ 'ի մէջ առեալ զգորսն Պարսից, և սկսան փանդա-
նել¹. զի իշխանն Պալուճնեաց կտրեաց երկու իշխանս,
և եհան զնոսա մինչև 'ի Հաշտեանս: Եւ իբրև էհաս 'ի
տեղի մի դաշտաձև, պակեաւ իշխանն փախստական
մինչ գեռ զօրքն հեռի էին, և ոչ կարաց խուսել կամ
կուռել, այլ այնպէս կայր: Ասէ մի ոմն 'ի ծառայիցն.
Ձի պակեար, ով իշխան: Եւ նա ասէ. Պաղակ իշխան
տեսանեմ, և ոչ կարեմ գնալ: Բայց ոչ կարացին գիտել,
թէ զինչ էր բանն, և անդէն մեռաւ: Իսկ նորա կտրեալ
զգլուխն, և առեալ զերկու իշխանորդիսն՝ զօրս եկաւ,
և ետ պահել. և ինքն գնաց զհետ փախստէիցն: Էւ հա-
սեալ միւս իշխանին, ասէ վարազ. Անկիր պարսիկ կա-
մաւ, ապա թէ ոչ՝ անկանիս ակամայ: Եւ նա փախեաւ.
և վարազ զհետ մտեալ, էհար զտէգն 'ի թիկունս նորա,
և անցոյց ընդ ողն երիվարին, և ասէ. Այժմ՝ անկանիս:
Եւ կոչեցաւ անուն տեղւոյն այնորիկ Ներքինանկնիս:

Եւ սակաւ մի գնացեալ՝ էհաս միւս այլ իշխանին և
ասէ. Անկանիս կամաւ, իսկ եթէ ոչ՝ անկանիս ակամայ:
Իսկ նա ընդդէմ դարձաւ, և կտրեաց զգլուխ երիվարին
վարազայ, և ընկէց: Իսկ նա 'ի վայր վազեալ, և էհար
զձիւս երիվարին պարսկին, և ասէր. Անկիր և դու: Եւ
անուանեցաւ տեղին այն վայրանկանիս: Իսկ այնք՝ որք
'ի Պուղկն էին մնացեալք, առեալ զերկու իշխանորդիսն,
և զգլուխ այնր իշխանին՝ որ պակեաւն, բերին առ
վարազ. և կոչեցաւ անուն տեղւոյն այնորիկ Պուղկ²:
Եւ դարձաւ վարազ առ Սմբատ որդին իւր, և իջին առ
վահան. և նա կոտորեալ էր զբազումս, և վաստա-
եալ էր յոյժ: Եւ փախուցեալք ընդ երեսս դաշտին
փախստեայք լինէին, և անուանեցաւ տեղին այն
Փանդիկ³:

Իսկ կրօնաւորացն դարձեալ գային 'ի կաղամախեաց⁴

1 Յայլում օրինակի քանդանդէլ. իսկ յերիս օրինակս և պատեցին
զօրսն Պարսից և սկսան ջրուել 'ի միմեանց:

2 Յերկուս օրինակս Պուղկ. և 'ի միւս այլ Պուղակ:

3 Յերիս օրինակս Փոյադիկ:

4 Սրինակ մի ի կաղամախեաց:

բլրէն, եկին ելին 'ի բլուր մի, որ հայի ընդ դաշտն Մատ-
րավանից¹, անկան առ նոսա գունդ մի պարսիկ փա-
խըստական². և աղաչէին զկրօնաւորսն՝ ապրել³: Իսկ
իրբե եկին այլ գունդք իշխանին Հաշտենից, ասեն.
Ո՛ր են պարսիկքն, որք գային զհետ փախստէիցն. և
ոչ ետուն կրօնաւորքն զպարսիկսն 'ի ձեռս նոցա: Եւ
եկեալ իշխանին Հաշտենից, ասէ. Ձի եղեն պարսիկքն:
Եւ նորա ասեն. Աւասիկ են ընդ Հայերոյդ⁴: Եւ կոչե-
ցաւ անուն տեղոյն Հայկերա⁵: Եւ ապա դադարեաց
պատերազմն. և զփախուցեալսն դարձուցին 'ի Մեղտի,
և գտան համարով արս չորեքհարեւր և ութսուն. և
տուեալ նոցա դանձա և երիվարս՝ արձակեցին 'ի պար-
սիկս. լինել զրուցատարս սքանչելեացն՝ որ հանդիպե-
ցաւ 'ի կրօնաւորացն նոցա:

Վճար եղև պատերազմին Տարօնոյ 'ի հինգ առաքինի
իշխանացն, Մուշեղայ, Վահանայ, Սմբատայ, Վահա-
նայ կամնարականի, և Տիրանայ: Որոց յիշատակն օրհ-
նութեամբ եղիցի⁶:

ՊԱՏՄՈՒԹԻՒՆ

Վասն գիտելոյ զպատճառս Միծառնեայ խաչին, թէ յուժմէ բերաւ,
և կամ թէ որպէս կայ 'ի Միծառնէ, և կամ յոր ժամանակի գոր-
ծեցաւ:

Ընդ ժամանակս թագաւորութեանն Հերակլեայ զօ-
րացաւ խոսրով Պարսից արքայն, և գնաց մինչև յերու-
սաղէմ. զքաղաքն աւերեաց, և զկտակարանսն այրեաց,
և զսուրբ խաչն գերեաց, և առեալ գնաց 'ի պարսիկս,
եղեալ 'ի պահեստի զսուրբ խաչն հանդերձ սպասուքն

1 Օրինակ մի և եկին ի բլուր մի որ հանդէպ գեղջն:

2 Օրինակ մի չունի պարսիկ փախստական:

3 Օրինակ մի աղաչէին զի մի որոցե սպանանել զնոսա:

4 Օրինակ մի են առ հայեարդ:

5 Ի չորս օրինակս հայրէբրդ:

6 Օրինակ մի չունի զվերջին հատուածն Վճար... եղիցի:

մինչև յեւթն և ՚ի տասն ամի թագաւորութեանն իւրում: Եւ զօրացաւ Հերակլ ՚ի թագաւորութեանն իւրում, գնաց ՚ի պարսիկս, և եսպան զխոսրով, և դարձոյց զսուրբ խաչն՝ հանդերձ գերեօքն: Եւ ընդ բազում օթեանօք զանց առնէր, տուեալ մասունս բազումս Հայոց աշխարհին և մեծամեծ իշխանացն: Իբրև գնաց յերեզնաւան, կտրեաց սպասաւորն մեծ մասն մի ՚ի գիշերին, և կամէր փախչել: Իսկ մի ոմն իմացեալ, ազդարար թագաւորին. և նորա առեալ զմասնն ՚ի նմանէ, և կտրեաց զգլուխ նորա. և ելեալ զօրօքն գնաց ՚ի կեսարիա, և ետ զմասնն հայրապետին կեսարու, որ կոչիւր Յովհան. և ինքն գնաց ՚ի թագաւորաքնակ քաղաքն կոստանդինուպօլիս: Եւ ՚ի նոյն ամի գնաց վահան կամսարական ՚ի կեսարիա, և ետ երեսուն և վեց հազար դահեկան հայրապետին Յովհաննու, և առեալ զխաչն եբեր ՚ի վանս Գլակայ ՚ի սուրբ կարապետն, և եղ ՚ի դարանն՝ որ ՚ի վերայ սրբոյ սեղանոյն. և եկաց անդ ամս վեց:

Իսկ իշխանն Արշուց կողմանն Գորգ Շատախօս, որ կոչեաց զանուն գաւառին իւրում Շատախ վասն աւելի անուան իւրում, սա եկն ՚ի դաշտն Տարօնոյ առ այր մի՝ որոյ անուն էր Ծիծառնիկ. որ շինեաց փոքր աւան, և եղ անուն նմա Ծիծառն: Աղաչեաց իշխանն զԾիծառնիկ՝ եթէ հնարեա և գողացիր զխաչն, զի եկեղեցպանն քո ազգական է: Բեր զխաչն և տուր ինձ, և առ յինէն վեց հազար դրամ: Իսկ նա ասէ. Դրամն քեզ, զխաչն առնում, և դամ յերկիրն քո. և ընտրեմ ամուր տեղի, և շինեմ աւան. և զիմանունս դնեմ: Եւ յանձն կալեալ¹ իշխանին, գնաց ՚ի տուն իւր. իսկ Ծիծառնիկն զկինն և զորդիսն և զազգատոհմն իւր յղեաց առ իշխանն Արշուց, և ինքն եկեալ ծանոյց զիրսն եկեղեցպանին: Եւ նորա յանձին կալեալ իջոյց ՚ի պահարանէն, և գնացեալ զհետ նորա յերկիրն իշխանին՝ ընտրեաց տեղի, և շինեաց եկեղեցի. և անդ եղին զտէրունական սուրբ նշանն, և անուանեաց զաւանն Ծիծառն:

Եւ ընդ այն ժամանակսն Ներսէս Հայոց կաթուղի-

¹ Օրինակ մի յանգին կալեալ:

կոս, որ 'ի Տայոց էր ծննդեամբ, այն՝ որ զՎաղարշակերտոյ սուրբ Աստուածածինն շինեաց, եկն վասն սուրբ խաչին տեսութեան: Իսկ վահանայ առեալ զկաթուղիկոսն, եկն 'ի վանան Գլակայ. և խնդրեաց զսուրբ խաչն: Իսկ սպասաւորացն խնդիր արարեալ, ոչ գտին: Սուգ առին իշխանքն և կաթուղիկոսն և եպիսկոպոսունքն, և եւթն որ վահան ոչ եկեր և ոչ էարբ: Եւ յայտնեալ նմա մինչ գեռ ննջէր 'ի դրունս եկեղեցւոյն յաւուր ուրբաթու, և տես ինքն իշխանն վահան, զի այր ոմն լուսաւոր ընդ սեամս եկեղեցւոյն յայս կոյս ելեալ, ասէ ցնա. Ձիս կողոպտեցին, և զԱրջք շինեցին. արդ թոյլ տուր, զի երկիրն այն ամուր է, ոչ կարեն անտի գողանալ: Իսկ նորա¹ լի եղեալ խնդութեամբ, զարթեալ. և ընթացեալ աւետիս տայր կաթողիկոսին, եթէ խաչն 'ի յԱրջքն է: Եւ խնդացեալ յոյժ 'ի վաղիւն տօն ցնծութեան կատարեցին, և յարուցեալ գընացին 'ի տեղին. և կալեալ զկրօնաւորն՝ որ զխաչն էր գողացեալ ետ յկաթուղիկոսն, և հանել ետ զերկոսին աչս նորա՝ որ զի կողոպտեաց զսուրբ կարապետն: Եւ կալեալ վահանայ զԾիծառնիկ, էհատ զգլուխ նորա: Եւ զիշխանն Արջուց եղեալ յՈղկան. մինչև էառ 'ի նման է հարեւր հազար դահեկան², և ապա շինեաց զեկեղեցին՝ որ 'ի վերայ բլերն Մշու՝ յանուն որդւոյ իւրոյ կրտսերի Ստեփաննոս, որ կայ 'ի նոյն դունն թաղեալ: Իսկ զխաչն ետ վահան 'ի ձեռն եպիսկոպոսին Արջուց. և նա իսկ կացոյց քահանայս եւթն 'ի վերայ եկեղեցւոյն, զի յամենայն ամի մինն ունիցի. և վեց հազար դրամ՝ կարգեցին նոցա տալ Հայոց 'ի Տարօնոյ³:

Արդ զայս պատմութիւնս գրեալ եղին յեկեղեցին Ծիծառնեայ⁴. և եղև այս 'ի թուականութեանն Հայոց հարեւր և երեսուն, և Հռոմին չորեքհարեւր քսան և եւթն. զոր ստուգիւ գրեալ զեղեալ պատմութիւնն,

1 Օրինակ մի վահանայ:

2 Օրինակ մի չուռի և ապա շինեաց... և եպ զխաչ:

3 Օրինակ մի իշխանին Տարօնոյ:

4 Օրինակ մի Ծիծառնեայ:

եղին 'ի Գլակայ վանան 'ի սուրբ Կարապետն, հրամանաւ Ներսիսի Հայոց կաթուղիկոսի՝ որ քսանեւիննեւրորդ¹ էր 'ի սրբոյն Գրիգորէ, և յիշխանութեանն վահանայ մամիկոնենոյ: Երեսուն և երկու իշխան նըստեալ է 'ի Մուշեղայ մամիկոնեան ցեղին. սա եկաց իշխան 'ի Տարօն ամս երեսուն, և մարզպան ամս տասն:

Վասն մահուան Տիրանայ՝ որդւոյ Վահանայ, և պատերազմին՝ որ յեզերս Աղի ծովուն:

Յետ այսքան պատմութեան զրուցատրութեանց, սուգ ժամանեաց խաղաղարնակ երկրիս մերում: Չի վահան յաւելեալ առ հարսն իւր, մեռանի. և կայ թաղեալ 'ի դուռն սրբոյ Կարապետին, կացեալ իշխան Տարօնոյ և Ապահունեաց ամս երեսուն: Բայց որդի նորա Տիրան հրամանաւ վաչղենայ վրաց իշխանին և հօր իւրոյ վահանայ գնաց 'ի դուռն խոսրովայ, յառաջքան զգնալն Հերակլի 'ի պարսիկս. և եղեալ խոսրովայ ընդ որդեգիրս, լեալ մարզպան Հայոց, առնու զօր բազում, և գայ 'ի վերայ Յունաց որպէս թէ 'ի պատերազմ: Բայց յղէ 'ի կայսրն, թէ մի ինչ երկնչիր յիմոյ գալոյս. այլ սուր ինձ քաղաք մի, զի ժողովեալ զզօրս Հայոց, և մնացից քեզ 'ի թիկունս: Իսկ նա ուխտ սիրոյ դնէր 'ի միջի, ոչ միայն մարզպան Հայոց և Պարսից համարեալ՝ այլ և դիմէսլեկոս² առնել բովանդակ Հոռովմոց:

Չայսոսիկ լուեալ վաչղեան վրաց իշխանն՝ առաքեաց առ խոսրով, եթէ նենդեաց քեզ Տիրան, և եղև ընդ Յոյնս. արդ առաքեա ութ հազար այրուծի ընդ վանանդ, և ես տաց զնա 'ի ձեռս քո: Իսկ թագաւորն կոչեաց զՉոջիկ զվրաց իշխանորդին, և արար մարզպան. և զՍիւնեաց իշխանն ձեռացկոծ³ տայր հանել

1 Օրինակ մի ասնէր-րդ երեւոյ էր:

2 Օրինակ մի Դեմետրիոս:

3 Օրինակ մի յեռակոծ:

որպէս զնենգաւոր և զխաբօղ ազգ: Եւ առաքեաց ինքն առ վաշտեան զօր հինգ հազար. իսկ վաշտեան գրեալ թուղթ առ Տիրան այսպէս. Նեղացար պան, զըխտութեամբ, արգարի եկ՝ զի խորհեսցուք ինչ վասն արքայի:

Իբրև ընթերցաւ զթուղթն¹, 'ի նոյն աւուր եկն թուղթ մի 'ի Համամայ քեռորդւոյն վաշգենայ, ծանուցանել զնենգութիւնն՝ որ ինչ առաջի կայր 'ի զօրացն եկելոցն 'ի Պարսից: Եւ նորա վաղվաղակի թուղթ գրեալ 'ի վաշտեան, յամօթ առնելով վասն ծածուկ իրացն: Եւ բարկացեալ վաշտեան, ետ ածել զՀամամ, և ծայրատել զտտա և զձեռս նորա: Եւ առեալ զպարսիկս՝ էանց ընդ գետն ճորսխ², և գնաց 'ի քաղաքն Համամայ՝ որ կոչի Տամբուր. էհար սրով և հրով, և գերեաց զքաղաքն: Իսկ սուրբ եպիսկոպոսն քաղաքին Մանկնոս ա. նիծեաց³ սաստիկ զիշխանն. և նորա հրաման տուեալ պարսկացն՝ կոտորել զքահանայսն յեկեղեցին որ կոչի սուրբ Սիօն: Իսկ եպիսկոպոսն աղօթեալ առ աստուած լուծեամբ, միայն զայս հանեալ 'ի լոյս՝ թէ եղիցի քաղաքս խոպան և աւերակ, և ոչ ոք իցէ որ բնակիցի 'ի սա յաւիտեանս յաւիտենից⁴: Եւ արկեալ զինքն 'ի վերայ սեղանոյն, զենին զնա յաւուր Պենդակոստէին յառաջ քան զբրիտոսս պատարագելն: Եւ 'ի միւսում աւուրն⁵ ճայթեալ ամպոց երկնից, հրայրեաց արարին զնա մինչ նստէր առ դուռն քաղաքին Տամբուրոյ: Զայս յետոյ շինեաց Համամ, զիւր անուն զնելով Համամաշէն: Եւ 'ի գլուխ ել աղօթք Մանգնոսի. զի երեքհազար այր 'ի միում գիշերի սատակեցան, և այլքն փախեան, և քաղաքն աւեր մնաց⁶:

Ապա 'ի սոյն ամի ելանէ Հերակլ, և սպանանէ զիսարով. և յիշեաց զերգումն՝ զոր ընդ Տիրան և ընդ

1 Օրինակ մի յաւելու Տիրան:

2 Օրինակ մի ճորսխ:

3 Օրինակ մի անիծեալ:

4 Օրինակ մի չուռի զհատուածդ. իսկ եպիսկոպոսն աղօթեալ... յաւիտենից:

5 Օրինակ մի եւ ի վաղիսն մասում:

6 Օրինակ մի չուռի Զայս յետոյ շինեաց... ասէր հաց:

ինքն, և կացուցեալ մարզպան ամենայն Հայոց, և ինքն
 դնաց 'ի կոստանդինուպոլիս: Եւ յետ ութ ամի եկն
 Աբղուաճիմ քեռորդի Մահմետի բազում աղխիւ, ութ-
 ևտասն հազար առնեծիոյ ընդ իւր բերեալ, խնդրէր
 հարկս 'ի Հայոց: Իսկ Տիրան արձակեաց՝ ժողով լինել
 համարէն զօրու 'ի պատերազմ: Զոր դիպօղ ժամանակ
 գտեալ իւր՝ որդին վաչգենոյ Զոջիկ վրաց իշխանն,
 ապստամբեցուցանէ զբովանդակ¹ Հայք չերթալ առ
 նա: Զայս տեսեալ Տիրանայ թէ ամենայն ինչ 'ի վերջ
 հասեալ է, եղ զայս բանս առաջի զօրաց իւրոց ութ
 հազարաց՝ որք կամաւ էին եկեալ, թէ ով ֆրիստոսի
 ժողովուրդք, լաւ է ինձ մեռանել՝ քան եկեղեցի առ-
 տուծոյ հարկատու լինել Տաճկաց:

Եւ 'ի վաղիւն ժողովեալ 'ի ստորոտն Գրգուոյ՝ որ
 ընդ հարաւոյ դաշտ անդ խմբեցան յառաւօտէ մինչև
 յերրորդ ժամն: Դեռ ևս փախստեայ էին արարեալ
 զտաճկաստանսն, իսկոյն իշխանն Անձաւացեաց² ապրս-
 տամբեալ 'ի դուրս ելեալ, և սուր 'ի վերայ Հայոց
 զօրուն դնէ: Իսկ Տիրան պատառեալ զերկու ռազմն,
 պատահեցաւ³ Սահուռայ, և ասէ. կաց ուրացեալ
 Սահուռ, զի ըմբռնեաց զքեզ ֆրիստոս 'ի ձեռս իմ: Եւ
 ձգեաց զզլուխն Սահուռայ սրով, և ինքն անդէն պա-
 կեցաւ սրով երկու իշխանօքն: Եւ ապա 'ի մէջ առեալ
 զզօրան Հայոց, ամենեցուն զկատարած կենաց հասու-
 ցանէին: Իսկ ոմանք փախստեայ լեալ, անցանէին հան-
 դէպ մօրաթաթախ⁴ Օձքաղաքի: Եւ կոտորեալքն 'ի Պար-
 սիցն⁵ կան 'ի պահեստի ընդ վկայարանան, և վերա-
 կոչի անուռն Սուրբ Բանակ: Իսկ Աբղուաճիմ անցանէ
 ընդ Հարք և 'ի Բասեան, 'ի Վիրք և 'ի Զախավախ⁶ և
 'ի Վանանդ. և առեալ հարկս, դառնայ 'ի տաճկաս-
 տան:

Ի սոյն ամի քակի եկեղեցին, որ յԱշտից վանսն⁷

- 1 Օրինակ մի զԲուրջ:
- 2 Օրինակ մի յաւելու Սահուռ:
- 3 Օրինակ մի պապանէաց:
- 4 Յօրինակսն Տօրախախ:
- 5 Օրինակ մի է ասճիաց:
- 6 Օրինակ մի է Զասախ:
- 7 Օրինակ մի որ յԱշտից վանսն:

հիմնարկեալ 'ի սրբոյն Գրիգորէ. և կարապետն յիննա-
կնեանսն, և Մատրաւանն 'ի Տարօն, և մեծ կաթուղիկէն
յԱստղաբերդ, և Ներսիսի հայրապետի՝ կաթուղիկէ
եկեղեցին 'ի Թիւն յեկեղեաց գաւառն: Եւ մարզպանն
կայ թաղեալ 'ի դուռն կաթուղիկէին 'ի Զիւնկերա Տա-
րօնոյ 'ի Պորպ քաղաքի:

ՅԻՇԱՏԱԿԱՐԱՆ

Ժամանակագրութիւնս այս սկսեալ առ սրբով Գրի-
գորիւ Զենոբայ ասորւոյ՝ վասն որ ինչ յիւրեան տեղիսն
գործեցաւ թողեալ գրով 'ի նոյն եկեղեցին: Հաճոյ է
թուեալ այլոց յետոյ զնոյն պահել զկարգ, միայն որ
ինչ իշխան տանս այս առնէր քաջութիւն՝ իւրաքանչիւր
հայր գրեալ զիւր ժամանակին անցս թողոյր. և աճեալ,
պատմութիւն Ասորւոց կոչի: Զի այն հարանց անուան-
քըն, որք գրեալք կան մինչև 'ի Թողիկ, ամենեքեան
Ասորիք էին. և տունն այն ասորի գրով և պաշտամամբ
է վարեալ մինչև 'ի Թողիկ: Եւ նա փոխեաց զամենայն
կարգս, և զԱսորոց ցեղսն բնաւ հալածական արար 'ի
վանացն:

Բայց զոր ինչ 'ի Տրդատայ մինչև 'ի Խոսրով արքայ
Պարսից լեալ է 'ի տանս մամիկոնենից՝ ոչ գտի գրով:
Ապա տեղեկացայ յոմանց՝ թէ 'ի կողմանս Ուռհայի է
կրօնաւոր ոմն Մարմառա՝ կոչեցեալ, և ունի զգիրսդ
զայդ: Գնացի և տեսի առ նմա զգիրսն, որ 'ի նոյն ինն-
ակնեան վանսն էր գրած. և նա 'ի զօրաց ուստեք
ունէր 'ի Պարսից կամ յայլոց ուրուք, որ ապականեալ
զերկիր, և գիրքն կարծեմ՝ թէ անտի է անկեալ 'ի նա:
Եւ թարգմանեալ 'ի նմանէ քսան և ութ պատճեան, և
տասն՝ որ 'ի գրի առ իս կայր, և բովանդակեալ արարի
երեսուն և ութ պատճեան, 'ի մի գիրս հաւաքելով՝
թողի մանկանց եկեղեցւոյ:

1 Օրինակ մի չունի և Մատրաւանն... հայրապետի:

2 Օրինակ մի Մարմառ:

՚ի ժամանակս թագաւորութեանն Հերակլեայ, և ՚ի մահուն իոսարովու, հրամանաւ ներսիսի Հայոց կաթուղիկոսի, և յիշխանութեան մամիկոնեան վահանայ՝ զոր մայրենեօք կամսարական կոչեն, որ երեսներորդ երկրորդ էր ՚ի Մուշեղայ՝ զոր ֆաջակորով կոչեն¹, գըրեալ և կազմեալ ՚ի վանսն Գլակայ ՚ի դուռն սրբոյ կարապետին, յորում կայ նշխարք կարապետին՝ բեկուովն յայտնի գուլ², թողի անմոռաց յիշատակ ինձ և իմոցն ես Յովհան մամիկոնեան եպիսկոպոս, երեսներորդ հինգերորդ ՚ի Զենոբայ առաջին եպիսկոպոսէն մամիկոնենից, ՚ի հայրապետութեանն Սամուէլի՝ որ չորեքամսեան էր նստեալ³։

Արդ որք զկնի դոցա այլք նստին վանականք, զոր ինչ գործի յաւուրս նոցա ՚ի տանս յայսմիկ՝ զիցէ ՚ի նոյն մատեանս⁴. զի այսպէս գտաք օրինադրեալ յառաջնոցն։

Դարձեալ ես տէր Յովաննէս մամիկոնեան եպիսկոպոս, աղաչեմ զմանկունս եկեղեցւոյ աստուծոյ, զի յորժամ զշարագրութիւնս զայս ընդօրինակէք, մի ինչ թուեսցի ծաղր⁵ ումեք. այլ և զիմ պատճեանն անպակաս և լի գրով դրոշմեսլիք զհետ գրելեացդ, զի օրհնեալ լիջիք ՚ի սուրբ կարապետէն, և ՚ի մեր նըւաստ հովուական աղօթից, և բովանդակ իսկ ՚ի Քրիստոսէ. և աստուած վարձահատոյց լիցի գրողացդ և ընթերցողացդ. ամէն։


1 Օրինակ մի չունի որ երեսներորդ... կոչեն։

2 Օրինակ մի չունի յորում կայ... յայտնի գուլ։

3 Օրինակ մի չունի ՚ի հայրապետութեանն... նստեալ։

4 Օրինակ մի ճաբենիս։

5 Օրինակ մի ծանր։



Յ Ա Ն Կ Ա Ն Ո Ւ Ա Ն Յ




- | | |
|---|---|
| <p>Աբղուաշիմ 61:</p> <p>Աբրահամ կաթողիկոս 8:</p> <p>Աթանաս Գլակայ առաջնորդ 8:</p> <p>Ալի ծով 59:</p> <p>Այծից բերդ 38:</p> <p>Այծսան, քէ՞ն Յետսանկ:</p> <p>Այծ տան, քէ՞ն Յետսանկ:</p> <p>Անդակ 11. 35. 41:</p> <p>Անդրէաս Գլակայ առաջնորդ 8:</p> <p>Անձաւացիք 68:</p> <p>Անտոն և Կրօնիգէս 7:</p> <p>Աշտից վանք 61:</p> <p>Ապահունիք 25. 27. 30. 46. 50. 59:</p> <p>Առաղս 24:</p> <p>Առինչք 33:</p> <p>Ասուր 32. 34:</p> <p>Ասորիք 40. 62:</p> <p>Աստեղունք, Աստեղունք, քէ՞ն Աստեղուն ամրոց:</p> <p>Աստղաբերդ 62:</p> <p>Աստղօն ամրոց 16. 23. 51:</p> <p>Արածանի 29. 33. 40. 47. 50. 52. 53:</p> <p>Արգակ, քէ՞ն Անգակ:</p> <p>Արիք, քէ՞ն Պարսք:</p> <p>Արծուէք, քէ՞ն Այծից բերդ:</p> <p>Արծրունիք 9. 12. 28. 30. 37:</p> <p>Արձան 16:</p> <p>Արջք 3. 57. 58:</p> <p>Արամեա 13:</p> <p>Արտից գեւղ 40. 41:</p> <p>Աւետեաց բլուր 7. 9. 29:</p> <p>Բալխաստան, քէ՞ն Բահլ Շահաստան:</p> <p>Բահլ Շահաստան 13. 15. 28:</p> | <p>Բասեան 15. 61:</p> <p>Բարթուղիմէոս Գլակայ առաջնորդ 8:</p> <p>Բարսեղ Գլակայ առաջնորդ 8:</p> <p>Բաւար, քէ՞ն Բոսար:</p> <p>Բոսար 30:</p> <p>Գալճար, քէ՞ն Գահար:</p> <p>Գահար 15. 33:</p> <p>Գայլ Վահան, քէ՞ն Վահան մամիկոնեան:</p> <p>Գարճար, քէ՞ն Գահար:</p> <p>Գգուս, քէ՞ն Գրգուս:</p> <p>Գիրեճ 47:</p> <p>Գլակ 7. 8. 9. 12. 30. 33. 52. 57. 59:</p> <p>Գողոց աղբեր 41:</p> <p>Գոմք 13:</p> <p>Գորդ Շատախոս 57:</p> <p>Գուէգուս 32:</p> <p>Գրգուս 32. 61:</p> <p>Գրգուս, քէ՞ն Գրգուս:</p> <p>Գրիգոր Լուսաւորիչ 7. 18. 20. 38. 52. 59:</p> <p>Գրիգոր Գլակայ առաջնորդ 8:</p> <p>Դաւիթ չայրապետ 52:</p> <p>Դիմառիոս մի 'ի խոտաճարակացն 20:</p> <p>Դուին 8. 13. 15. 45:</p> <p>Եկեղեաց գաւառ 29. 62:</p> <p>Եղանց բերդ 25. 33:</p> <p>Եղնուտ, քէ՞ն Եղանց բերդ:</p> <p>Ենարկիոս մի 'ի խոտաճարակացն 20:</p> <p>Եպիփան Գլակայ առաջնորդ 7:</p> <p>Եպիփան մի 'ի խոտաճարակացն</p> |
|---|---|

20. 45. 52:
 Երեզնաւան 57:
 Երուսաղէմ 56:
 Եփրեմ Գլակայ առաջնորդ 8:
 Զենոր Գլակ 7. 62. 63:
 Թմբաւոր 44:
 Թողիկ 9-13. 16. 21. 62:
 Ժողովս 42:
 Իննականեան վանք 13. 30. 62:
 Խարձ 23:
 Խոյթ 13. 16:
 Խոսրով Ա. արքայ Պարսից 13:
 Խոսրով Բ. արքայ Պարսից 12-
 15. 28-30. 38. 46. 56-59:
 Խոտաճարակք 9. 16:
 Միայ ծոփն 28:
 Միծառն իսճ Միծառնէ 56-58:
 Միծառնիկ 57. 58:
 Մծմակ 24. 25. 32:
 Մմակ, քէ՞ Մծմակ:
 Կախմխեաց բլուր, քէ՞ Կաղամա-
 խեաց բլուր:
 Կաղամախեաց բլուր 53. 55:
 Կաղամանեաց բլուր, քէ՞ Կաղա-
 մախեաց բլուր:
 Կարապետ, քէ՞ Յովհ. Կարապետ:
 Կարին 14. 15:
 Կենաց վայրք 45:
 Կեսարիա 9. 12. 21. 57:
 Կիւրեղ Գլակայ առաջնորդ 8. 12:
 Կոթ 26. 29:
 Կոմիտաս Գլակայ առաջնորդ 8:
 Կոմիտաս կաթողիկոս 8:
 Կոստանդինուպոլիս 57. 61:
 Կորի 29:
 Կուռաք 8. 13:
 Կուրայ իսճ Կուրան 51:
 Կրեհ. քէ՞ Գրեհ:
 Կրօնիդէս 7. 21:
 Համամ 60:
 Համամաշէն 60:
 Հայրաբլուր 45:
 Հայր բլուր 30:
 Հայկերա 56:
 Հայրկերա, քէ՞ Հայկերա:
 Հայք 8. 13. 14. 28. 29:
 Հանդիսեանք 50:
 Հաշտեանք 15. 31. 33. 43-46.
 50. 55. 56:
 Հարցս, քէ՞ Խարձ:

Թագէոս Գլակայ առաջնորդ,
 քէ՞ Թողիկ:
 Թէոփլաս մի ՚ի խոտաճարակացն
 20:
 Թիլն աւան 31. 36. 62:
 Հովեանք 52:
 Հոռոմք 58:
 Հախիսիմեանք 8:
 Հասմ 12:
 Հոռոմք, քէ՞ Հոռոմք:
 Զիւնկերա 62:
 Ղիմինդոս 8:
 Ճորոխ 60:
 Մակար, քէ՞ Մարկոս:
 Մահմէտ 61:
 Մահու ագարակ 35:
 Մահու առիթ 5:
 Մահու բլուր 38:
 Մամիկոնեանք 9. 46. 62:
 Մանդակունի, քէ՞ Յովհ. Ման-
 դակունի:
 Մանեայ այր 7:
 Մանկնոս 60:
 Մատրավանք 12. 54. 56. 62:
 Մարիամ կին Վարդայ պատրկի 9:
 Մարկոս Գլակայ առաջնորդ 8:
 Մարկուց փող 47:
 Մարմառա 50:
 Մարտից փող, քէ՞ Մարկուց փող:
 Մեծամօր 11. 41:
 Մեղու 24:
 Մեղաի 16. 24. 32. 38. 40. 44.
 45. 51. 54. 56:
 Միհրան 15. 19-29. 32:
 Միհրխոսրով 49:
 Մշու բլուր 58:
 Մոգուց գերեզման, քէ՞ Մոկ-
 կունք:
 Մոխրայ երկիր 40:
 Մոկկունք իսճ Մոգաուունք 47:
 Մովսէս կաթողիկոս 8:
 Մուշ 13. 16. 21. 23. 24. 25. 31.
 36. 39. 52:
 Մուշեղ Քաջակորով 9. 13-15.
 21. 26. 30. 47. 56. 59:
 Մորաց դուռն 23:
 Մորիկ 13-16:
 Յեսասնկ 51:
 Յոյնք 9. 13-16. 28. 31. 43. 56.
 59:

- Հարբ 31. 61:
- Հեր 15:
- Հերակլ կայսր 45. 56. 57. 59:
- Հոն 48:
- Հոնընկէց 46. 47:
- 18. 19. 26. 30. 31. 34. 44.
- 47-52. 54-56. 58. 59:
- Յովհաննէս Ա. Գլահայ առաջնորդ 8:
- Յովհաննէս Բ. Գլահայ առաջնորդ 8:
- Յովհաննէս Կարապետ 10. 12.
- Յովհան Կեսարու հայրապետ 57:
- Յովհան մամիկոնեան եպիսկոպոս 63:
- Յովհաննէս մի' ի խոտաճարակացն 20:
- Յովհան Մանգակունի 8:
- Յովսէփ Գլահայ առաջնորդ 8:
- Նարգակ 11:
- Նարեսոս, քէ՞ն Ենարկիսու:
- Ներսէս Տեծն 62:
- Ներսէս Բ. 57. 59. 63:
- Ներսէս Գլահայ առաջնորդ 8:
- Ներքինանկնիս 55:
- Նիխոր 5:
- Նիխորճէս 14:
- Շահաստան, քէ՞ն Բահլ Շահաստան:
- Շատախ 16. 57:
- Շատախոս, քէ՞ն Գորգ:
- Շիրականիք 45:
- Ողկան 16. 22. 28. 42. 58:
- Ողնու բերդ, քէ՞ն Եղանց բերդ:
- Ողնուտենք, քէ՞ն Եղանց բերդ:
- Որմիզդ Պարսից արքայ 13. 14:
- Ուռնա 59:
- Պալուռնիք 33. 45. 49. 51:
- Պարեխ 12. 13:
- Պարսբ 13. 14. 16. 20. 23. 25. 33. 35-44. 47. 56-59:
- Պարսից գէմէմ կողմ 54:
- Պողակ կամ Պողկ, քէ՞ն Պուղկ:
- Պորպ կամ Պորպէս քաղաք 31. 38. 62:
- Պուղկ 55:
- Պօղիկարպոս մի' ի խոտաճարակացն 16. 20:
- Չախվախք 61:
- Չամբ Խոսրով, քէ՞ն Խոսրով Ա:
- Չորիկ 59. 61:
- Ռահան 32-34:
- Սաքաստան 9:
- Սաքակ, քէ՞ն Նարգակ:
- Սալնայ երկիր 40:
- Սասուն 13. 16:
- Սերեմ, քէ՞ն Սրեմ:
- Սերեմաձոր, քէ՞ն Սրեմաձոր:
- Սերեմավայր, քէ՞ն Սրեմավայր:
- Սիմէօն մի' ի խոտաճարակացն 19:
- Սիւնիք 59:
- Սմբատ իշխան Հաշտնից 44:
- Սմբատ որդի Վահայ 33-49. 55. 56:
- Սուկաւ 9:
- Սուրբ Բանակ 61:
- Սուրբ Սիօն 60:
- Սուրբ Ստեփաննոս եկեղեցի 52:
- Սուրէն եղբայր Վախանգայ 39. 40:
- Ստեփաննոս նախավկայ 5:
- Ստեփաննոս որդի Վահան մամիկոնէնի 58:
- Ստեփաննոս որդի Վարգայ արքի 8. 30. 45:
- Սրեմ 41:
- Սրեմաձոր 42:
- Սրեմավայր 47:
- Սրոց կամ Սրենց ձոր 41:
- Վախանգ 31. 39. 46:
- Վահ 33:
- Վահան Մամիկոնեան կամ Կամաւրական 16. 26. 28. 31-36. 44-47:
- Վահան որդի Վարազայ 49:
- Վահանովիտ 43:
- Վաղարշակերտ 58:
- Վայրանկանիս 55:
- Վանանգ 59. 61:
- Վաշգեան 56-58:
- Վաշիւր 28:
- Վաշտեան, քէ՞ն Վաշգեան:
- Վարազ իշխան Պալուռնեաց 39. 42-46. 49:
- Վարազաբլուր 44:
- Վարազակ 46:
- Վարազակաբլուր, քէ՞ն Վարազաբլուր:
- Վարդ պատրիկ 9:
- Վարդուհրի 52-54:

Սահակ Գլակայ առաջնորդ 8:	Վարչիր, քե՛ս Վաշեր:
Սահակ Պարթև 31:	Վիրք 8. 59-61:
Սահուն 61:	Տաճիկք 61:
Սամուէլ Հայրապետ 63:	Տաճկաստան 61:
Սանասոյ Մծմակ, քե՛ս Մծմակ:	Տամբուր 60:
Տայք 58:	Փողիկաւ, քե՛ս Փանդիկաւ:
Տարօն 13. 15. 16. 21. 31. 38.	Փանդիկիկա՛մ Փանդիկաւ 52. 55:
39. 46-59. 62:	Փոկաս 16:
Տաւրոս 31. 45:	Փոյադիկ, քե՛ս Փանդիկ:
Տիգրան զօրապետ 46-49:	Քաղկեդոն 13:
Տիրան 52. 54. 59. 61:	Քարքէ 29. 40:
Տրդատ 41. 62:	Օձ քաղաք 23. 61:



Bucheinband von
JOSEF ERDMANN
BONN, D'endorfstr. 144